

奇効良方

十二之三

瘰癧門
痢門



奇効良方卷之十二

瘧門

附論

瘧之爲病其名有五一日瘧瘧二曰寒瘧三曰濕瘧四曰牝瘧
五曰牡瘧名雖不同其感皆由六淫七情所傷飢飽勞逸經云
夏傷於暑秋必瘧瘧體虛之人易感發則呵欠寒熱頭疼或先
寒後熱或先熱後寒或單熱單寒或熱多寒少或寒多熱少一
日一發者易治又有二三日一發者難愈夫瘧瘧陰氣獨微陽
氣獨發但熱不寒裏實不泄煩渴且嘔肌肉消瘦也寒瘧自感
寒而得無汗惡寒攣痛面慘先寒後熱也濕瘧冒襲雨濕汗出
澡浴得之身體重肢節煩疼嘔逆脹滿也牝瘧久受陰濕陰勝
陽虛不能制陰所以寒多不熱氣虛而泄悽慘振振也牝瘧

食不節飢飽有傷表裏俱虛致使然也。病由邪氣交爭陰陽
氣更相勝負邪正相搏而作焉。衛氣與邪氣相離故汗而解。衛
氣晝行陽夜行陰得陽而外出故發於日間得陰則內搏故發
於暮夜。若邪氣內搏於五臟橫連於募原其道蹇不能與衛氣交
併故有隔日發之。又有三四日一發衛氣之行遲行速病作有
蚤有晏甚者內外失守真邪不分陰陽失勝寒熱互起則休作
無定時也。素問論六經瘧足太陽瘧令人腰痛頭重寒從背起
先寒後熱熇熇暍暍然熱止汗出難已足少陽瘧令人身體解
休寒不甚熱不甚惡見人見人心惕惕然熱多汗出甚是陽明
瘧令人先寒洒淅洒淅寒甚久乃熱熱去汗出喜見日月光火
氣乃快然足大陰瘧令人不樂好太息不嗜食多寒熱汗出病

至則善嘔嘔已乃衰足少陰之瘧令人嘔吐甚多寒熱熱多寒
少欲閉戶牖而處其病難已足厥陰之瘧令人腰痛少腹滿小
便不利如瘧狀非瘧也數便意恐懼氣不足腹中悒悒雖此之
分皆是五臟之受病。夫心瘧者令人煩心甚欲得清水反寒多
不甚熱肝瘧者令人色蒼蒼然大息其狀若死者脾瘧者令人
寒腹中痛熱則腸中鳴鳴已汗出肺瘧者令人心寒寒甚熱熱
間善驚如有所見腎瘧者令人洒洒然腰脊痛宛轉大便難目
眴眴然手足寒又有胃瘧者令人且病也善飢而不能食食而
支滿腹大大率治法瘧脈多弦數則熱弦遲則寒風以散之寒
以溫之不虛不實以經取之痰以滌之停滯踈利之虛則補之
不可使用斷截之藥截之太早邪氣薄於五臟傳留日久變證

多端用藥次序無不效矣

瘡疾通治方

清脾湯

治瘡瘻脈來弦數但熱不寒或熱多寒少口苦咽

乾小便赤澀

青皮

厚朴薑製

白朮

半夏

柴胡

黃芩

茯苓去皮

草菓各一錢半

甘草炙半錢

右作一服水二鍾生薑五片煎至一鍾不拘時服

定齋

草菓飲子

快脾治瘡

草菓二錢

蒼朮三錢米泔水浸

厚朴薑製

半夏麩

陳皮各一錢半

甘草半錢

烏梅一箇

右吹咀每服半兩水一盞半薑五片棗二枚煎至七分不
拘時服寒多者加乾薑附子熱甚者加柴胡瘡瘻加檳榔
所加者各等分一方加人參一方熱多者加石膏

草菓飲

治寒熱瘡疾初愈服此進食理脾

草菓仁

紫蘇

良薑炒

川芎

青皮去白炒

白芷

甘草各一錢半炒

右作一服水二鍾生薑三片煎至一鍾食遠服

四獸飲

治五臟氣虛喜怒不節致陰陽相勝結聚涎飲與

衛氣相搏發為瘡疾

人參

白朮

茯苓去皮

橘紅

半夏湯泡七次

草菓各一錢半

烏梅一錢

甘草半錢

一方
檳榔子知母
子常少二分
為附用效

右作一服水二鍾生薑七片紅棗三枚煎一鍾不拘時服
人參養胃湯 治瘧疾寒多熱少者必酒先服此藥

人參 去蘆

厚朴 薑製

陳皮 各一錢半

蒼朮 二錢米泔水浸炒

茯苓 去皮

半夏 湯洗七次

草菓

藿香

甘草 各一錢

右作一服水二鍾生薑三片紅棗一枚煎一鍾不拘時服

柴胡桂薑湯 治瘧疾寒多微熱但寒不熱并治勞瘵

柴胡 三錢

桂枝

乾薑

牡蠣

甘草 各一錢

黃芩 半錢

瓜蒌根 二錢

右作一服水二鍾煎至一鍾不拘時服

七室飲治一切瘧疾無問寒熱多少及山嵐瘴氣寒熱如

瘧等證

厚朴 薑製

陳皮

草菓

常山 鷄骨

檳榔

青皮

甘草 各半錢

右作一服水一鍾半酒半鍾煎至一鍾去粗露星月一宿

空心向東服

小柴胡湯 治瘧疾熱多寒少或單熱頭痛胃滿咽乾

方見傷寒門

白虎加桂湯 治瘧疾但熱不寒者

知母 三錢

石膏 五錢

粳米 一撮

甘草 一錢半

肉桂 去皮

右作一服水二鍾煎至一鍾不拘時服

鼈甲飲子 治瘡疾久不愈脇下痞滿腹中結塊名曰瘡母

鼈甲 醋炙 白朮 草菓 檳榔

川芎 白芍藥 厚朴 薑製 橘紅

甘草 炙各一錢 黃耆 炙一錢

右作一服水二鍾生薑七片紅棗一枚烏梅少許煎至一鍾不拘時服

老瘡飲 治久瘡結成癥瘕痞在胃脇諸藥不愈者

蒼朮 米泔水浸 草菓 桔梗 青皮

陳皮 良薑 半夏 湯泡 茯苓 各一

枳殼 麩炒 甘草 炙 乾薑 桂心

紫蘇 川芎 白芷 各半錢

右作一服水二鍾鹽少許煎至一鍾空心服

四將軍飲 治寒熱瘡疾作而仆厥手足俱冷昏不知人此

雖一時急用之有驗

附子 炮去皮二錢 訶子 二錢 陳皮 三錢 甘草 一錢

勝金丸 右作一服水二鍾生薑七片棗七枚煎至一鍾不拘時服 治一切寒熱瘡疾胃膈停痰發散不愈者

檳榔 四兩 常山 一斤酒浸蒸焙

右為細末用麵糊為丸如梧桐子大每服三十九當發前一日臨卧時用涼酒吞下便睡至四更再吞一服一方用

鷄子清為丸

碧霞丹 治久瘡不愈者

東方甲乙木巴豆

去油別研

南方丙丁火官桂

別研

中央戊己土硫黃

去砂石別研

西方庚辛金白礬

別研

北方壬癸水青黛

別研各等分

右於五月一日脩治了用紙各裹以盤盛依前方位排定勿令猫犬及婦人見安在神佛前至端午日午時用五家粽尖和前藥令勻丸如梧桐子大遇患者以綿裹一丸塞於鼻竅中男左女右於未發前一日安之約度尋常發過少許方除一方塞於耳內

灸法

治瘡疾久不愈不問男女皆治

其法於大椎中第一骨節盡處先鍼後灸三七壯立効或第三骨節亦可

桂枝黃芩湯

治瘡二陽合病熱甚者

桂枝 一錢

黃芩 半夏 泡

人參 各二錢

柴胡 六錢

石膏 四錢

知母 半錢

甘草 錢一

右咬咀分作二貼用水二鍾生薑三片煎至一鍾食遠服

露薑飲

大治脾胃聚痰發為寒熱

生薑 四兩

右和皮搗汁一椀夜露至曉空心冷服或吐或利即安

芎歸鼈甲散

治勞瘡表裏俱虛真元未復疾雖暫止小勞復來

復來

川芎

當歸

鼈甲

醋炙

茯苓

青皮

陳皮

半夏

芍藥

右吹咀各等分每貼二兩用水二鍾生薑五片棗二枚烏梅一枚煎至一鍾食遠服熱加柴胡寒多加草菓

交加飲子 治久瘧不已山嵐瘴氣

肉豆蔻 二箇一箇麩裹煨一箇生用

草菓 二箇同上法 厚朴 二寸一寸生薑製

甘草 二寸一寸生一寸炙

生薑 一塊半煨半生

右吹咀作一服當發日用水二鍾煎八分服粗再煎服

虎頭骨丸 治一切瘧疾

虎頭骨 二兩酥炙 硃砂 細研

牡蠣粉 川大黃 剉炒

桂心 知母 已上各一兩

乳香 甘草 炙

烏梅肉 炒 附子 炮

枳殼 去穢炙炒 麝香 別研

木香 常山 已上各半兩 桃仁 三七枚湯浸去皮尖雙仁炒

生薑 一塊如鷄子大半煨半生

右為末入研藥令勻煉蜜和搗三二百杵丸如梧桐子大每服十五丸食前用桃條湯下

剋効餅子 治一切瘧疾發作有時先覺伸欠乃作寒慄鼓

振頤頤中外皆寒腰脊俱痛寒戰既已內外皆熱或痛如破渴欲飲冷或痰聚胃中煩滿欬嘔或先熱後寒或先寒後熱或寒多熱少或熱多寒少或寒熱相半或但熱不寒或但寒不熱或一日一發或一發後六七日再發皆治之

甘草 鹽炙 藁豆末 荷葉 鹽炙 定粉 研

龍腦 研 麝香 研各半兩 金箔 二十五片為衣 信砒 醋煮二兩半

硃砂 研飛一兩

右為細末煉蜜搜和每兩作二十九捏匾以金箔為衣每服一餅以新水磨化日發者未發前服之間日者未發夜服隔數日發者前一日夜服連日者凌晨服

常山酒 治瘡

常山一

鼈甲

醋炙黃各三分

虎頭骨

炙半兩

豉炒半

桃枝一握

柳枝一握

桃仁

三七枚去皮尖炒

乾棗三枚去核

烏梅炙上

右細剉以酒一升浸一宿明日入生薑五片煎取五合去

滓空心分為二服

五行神驗丸

治一切瘡疾

靛花一兩東方

桂心一兩南方

乾薑

一兩西方

巴豆一兩北方

硫黃一兩中央

麝香少許

右將五般藥於盤內據五方安排定取四月二十八日夜安卓子上於中庭露以香一爐當虔心如是露七夜至端午日早脩合將巴豆去殼湯五十沸搥研餘藥為散入麝香以薄糊調靛花末為丸如櫻桃大合時忌女子等見丸子焙乾於盒內盛發日淨手取以綿裹香火炙令熱男左女右預前帶安耳中便利時除却淨手後再安耳中不得女子捻觸女子患男子與安忌一切葷腥菓子麝香一方無

辟邪丹

治嵐瘴鬼瘧食瘧類併者

雄黑豆

一作小豆

菘豆

各四十粒

信砒

半錢

黃丹一錢

右為末於端午日同入乳鉢內滴水為丸分作三十粒每

服一粒用東南桃心七枝研汁將井花水早晨日欲出未
出時吞之醋湯亦得其驗不具言三五月患者只一丸服
後大段者只微寒若小可便絕去也當發日服忌葷腥三
日一服孕婦不可服一方有雄黃

神聖藥師餅 治瘡疾等證

人言 雄黃各一錢半 白麵七錢半 乾胭脂一錢

右各研極細和勻滴水和為餅子如棊子大每服三餅臨
卧細嚼冷水送下忌濕麵葷腥生硬冷物分作三十服虛
實大小加減服之

斷魔如聖丹 治瘡疾

信一錢 蜘蛛大者三枚 雄黑豆四粒

右為末同研細滴水和丸如豌豆大來日發今夜北斗下
獻早晨紙裹一丸塞耳中一粒可治三人其効如神

白扁豆丸 治瘡疾

白扁豆炒一兩 菜豆炒一兩 好信五錢

右為末入白麵四兩水和丸如梧桐子大臨發日五更用
凉水送下忌熱物

瞻仰丸 治一切瘡疾

常山四兩 草菓二兩各炒存性

右為末薄糊為丸如梧桐子大臨卧冷水下四十九五更
時再服三十九忌熱物并羊肉

治瘡疾如神方

黃丹

大蒜小者亦可

右二味先將大蒜搗碎後入黃丹為丸朝東吞下一方去蒜皮再入大蒜五箇入辰砂末一錢宿蒸餅丸如梧桐子大空心井花水下一九十歲以下丸如麻子大忌生冷油膩熱物湯合藥時宜端午日

治瘡方

右用桃仁一百箇去皮尖大小於乳鉢中細研成膏不得犯生水候成膏入黃丹三錢丸如梧桐子大每服三九當發日面北用溫酒吞下如不飲酒井花水下亦得須五月五日午時合忌鷄犬婦人見

龍華散

治諸瘡疾

右用蛇蛻一條或三五條用炭火燒存性研為細末每服一字無根水下未發前一時服忌鷄魚冷物一方用蛇皮塞兩耳中臨發服少許

療十二瘡

昔黃帝問岐伯曰瘡多方少愈者何岐伯荅曰瘡有十二種帝曰瘡鬼字何可得聞乎岐伯曰但得瘡鬼字便愈不得其字百方不愈曰願聞之

寅時發者獄死鬼所為療之以瘡人著窰上灰火一周莫令火滅即瘥

卯時發者鞭死鬼所為療之用五色衣燒作灰三指撮著酒中無酒用清水服之

辰時發者墮木死鬼所為療之令瘡人上木高危處

巳時發者燒死鬼所為療之令瘡人坐地以周匝然火
午時發者餓死鬼所為療之令瘡人持脂火於田中無人
處燒脂香假拾薪去

未時發者溺死鬼所為療之令瘡人臨發時三渡東流水
申時發者自刺死鬼所為療之令瘡人欲發時以刀刺冢
上使得姓名字呪曰若瘡我與汝拔却

酉時發者奴婢死鬼所為療之令瘡人碓稍上卧莫令人
道姓字

戌時發者自絞死鬼所為療之左索繩繫其手脚腰頭
亥時發者盜死鬼所為療之以刀子一口箭一枝灰一周
安瘡人腹上其箭橫著底下

子時發者寡婦死鬼所為療之令瘡人脫衣東廂床上卧
左手持刀右手持杖打令聲不絕瓦盆盛水著路邊
丑時發者斬死鬼所為療之令瘡人當戶前卧頭向東
截瘡散

常山

鷄骨樣者良

茯神去皮木

肉桂

去鱗皮

甘草

減半熱多加之

右石搥不犯鐵器為齋散每服半兩用常酒大半碗浸一
宿於當發日早晨空心去滓冷服服後不可喫熱湯熱物
滓再浸或略煎近發時再服一方不用肉桂茯神却用檳
榔烏梅要在人增損也凡瘡瀆是發作三五次後却用截
之為妙

知母散

治一切瘡疾不問先熱後寒先寒後熱熱多寒少

寒多熱少年久瘧者止一服取効
贛州羅監稅傳方大有

功效

知母直者

貝母

常山

檳榔銘五

右吹咀作一服水酒各一盞用綿蓋定露一宿五更望東
冷服直到巳時食乾物若喫水便吐煎時不得婦人見

大蒜平胃散

治一切瘧

石平胃散一貼大蒜一箇搗爛用一大椀井花水調蒜澄
清以半調平胃散飲盡又以餘蒜水再飲用厚被蓋卧汗
出即愈友人登瀛叟由赴監試感此遇道人授此方

剪金

治瘧疾寒熱乃聖藥也

信

硫黃各等分

右同研末用緋紅絹子手捻一捻放絹上暴如豆大細絲

練繫纏致遭繫定用剪子剪下勿得不繫緊恐有藥失每

服一丸星全新水送空心服無得人知如服藥先一日夜

服至明正發日早勿令人知去無人知靜處避之或廟宇

內亦得

足厥陰肝瘧

附論

夫經謂足厥陰肝瘧在經則令人腰痛小腹滿小便不利如癰
狀非癰也數便意欲恐懼氣不足腹中悒悒在臟則令人色蒼
蒼然太息其狀若死者俱刺足厥陰蓋足厥陰之脉循陰呂邪
氣客之則少腹滿小便不利也肝為將軍之官謀慮出焉故病
則恐懼不足也蒼蒼者肝之色也宜察其經絡腑臟而治之治

肝瘡顏色蒼蒼顫掉氣喘積年不瘥鼈甲丸等方上之

鼈甲丸 治肝瘡色蒼蒼顫掉氣喘久不瘥者或久熱勞微

動如瘡

鼈甲去裙襴 醋浸炙

蜀漆葉

烏梅取肉 炒

常山

知母各一分

甘草微炙

苦參

萎蕤

石膏各半 兩

香豉微炒 合

右為細末煉蜜為丸如梧桐子大每服十九未發前米飲下臨發再服

知母湯

治肝瘡上焦壅滯心煩頭疼寒熱不止肌肉消瘦

不下食

知母

地骨皮

升麻各一兩

鼈甲醋炙

犀角鎊屑

人參

麥門冬去心 焙

柴胡

石膏各二兩

甘草生半 兩

虎頭骨酥炙 一兩半 一方無 此有赤茯苓二兩

右為搗篩每服四錢水一大盞入香豉五十粒煎至六分去滓不拘時溫服

木香犀角丸

治肝瘡

木香

羚羊角鎊屑

犀角鎊屑 各一兩半

升麻

玄參

猪苓

檳榔各二兩半

鼈甲酥炙

甘草炙各二兩

豉炒五兩

右為細末煉蜜和丸如梧桐子大每服三十九用溫酒或米飲送下日再服體熱即去甘草檳榔加大黃五兩

手少陰心瘡

附論

夫心瘧者內經謂令人煩心甚欲得清水反寒多不甚熱刺手少陰是也蓋心為神舍邪不可干邪氣干之故煩心其欲清水者以心火內熱故也其反寒多不甚熱者內熱而外寒故也治宜通心經利邪熱則愈

甘草湯 治心熱為瘧不止或止後熱不渴乍來乍去令人

煩心甚欲飲清水反寒多不甚熱者

甘草 一兩 蜀漆 三兩 常山 各四

石膏 五兩 香豉 一合 梔子 各十

竹葉 升切二 烏梅 三枚

右咬咀以水九升煮取三升分三服

麝香丸 治心瘧

麝香 黃丹炒紫 砒霜各一分 硃砂 一兩

金箔三十片

右細研令勻用粳米飯和丸如梧桐子大男左女右中指節上用緋絹裹繫一丸發前以冷醋湯下一丸忌食熱物

硃砂丸 治心瘧

光明砂半兩 常山 一兩 杏仁十枚湯浸去皮尖

右為末研入硃砂令勻煉蜜和丸如梧桐子大未發前以

粥飲下十五丸欲發時再服

足太陰脾瘧 附論

夫足太陰之經脾之脉也脾經之瘧令人不樂好太息不嗜食多寒熱汗出病至則嘔嘔已乃寒寒則腹中痛熱則腸中鳴

已汗出故謂足太陰瘡又名脾瘡

橘皮甘草湯 治脾臟不和瀉痢瘡疾腹痛下部無力體重

足痿脚下痛飲食中滿四肢不舉等病陸景淵方曾以治

瘡甚効

橘皮 生用

甘草 炙

厚朴 去皮薑汁製
已上一各一兩

羌活

防風

肉豆寇

茯苓 各二錢半

川芎 半兩

吳茱萸 一錢

右咬咀每服四錢水一盞半生薑三片煎至八分去粗食

前服

人參飲

治脾瘡

人參

甘草 炙各一分

陳橘皮 湯浸去白
焙半兩

烏梅

五枚去核焙

草豆寇仁

七枚去皮

右剉為末每服五錢用濕紙裹煨熟用水二盞生薑一片

棗一枚擘碎煎至一盞末發前溫服

獨蒜丸

能截脾寒

右於五月五日用大蒜不以多少搗爛次入礬紅拌勻為

丸如圓眼大每服一丸大蒜湯嚼下

良薑丸

醒脾治瘡

良薑 二兩

右為末猪膽汁和丸如梧桐子大紫蘇湯空心下二十九

手太陰肺瘡

附論

夫肺瘡者內經謂令人心寒寒甚則熱熱間善驚如有所見刺

手太陰陽明是也蓋心肺獨居膈上其氣相通故瘧邪干肺內動於心則為寒熱善驚之候也

人參九 治肺瘧心寒熱善驚如有所見

人參 鼈甲去裙襖 桃仁去皮尖及

常山 甘草 肉苁蓉酒浸切焙 升麻各三分

桂心去麩皮 烏梅肉炒 龍齒研各一兩 丹砂研一分

阿魏研一分 杏仁炒去皮尖雙仁

右為末煉蜜丸如梧桐子大每服十五丸空心用米飲下未發時併二服

杏仁丸 治肺瘧

杏仁四十枚湯浸去皮尖雙仁炒 常山三分 丹砂研一分

甘草一分

右為細末煉蜜和丸如菽豆大每服十五丸未發米飲下日再服之

足少陰腎瘧 附論

內經謂足少陰腎瘧在經則令人嘔吐甚多寒熱熱多寒少欲閉戶牖而處其病難已在臟則令人洒洒然腰脊痛宛轉大便難目眴眴然手足寒刺足太陽少陰蓋腎脉入肺中肺脉環胃口故使人嘔陰虛則陽氣偏故熱多若洒淅腰脊痛大便難目眴手足寒特以葢氣內虛機關不利故為此證也

烏梅丸 治腎瘧令人洒洒然腰脊痛大便難目眴手足寒及諸瘧久不瘥者

烏梅肉炒一兩半 常山三分 豉炒一合 虎頭骨酥炙

附子炮去皮臍 肉苁蓉酒浸切焙已 麝香別研一錢

桂心去金 知母切焙各一分 桃仁湯浸去皮尖雙仁炒別研一兩

右搗研為末拌勻煉蜜和丸如梧桐子大每服二十九空腹米飲下未發服一方無知母

菴蓉丸 治腎瘡

肉苁蓉酒浸切焙 烏梅肉炒 桂心去金 甘草炙

升麻各半兩 豉炒三分 常山三分 桃仁湯浸去皮尖炒研三分

右搗研為末和勻煉蜜和丸如梧桐子大未發日空腹溫酒下二十九米飲亦得至發時更服二十九

足少陽膽瘡 附論

夫少陽膽之狀內經謂令人身體解休寒不甚熱不甚惡見人見人心惕惕然熱多汗出甚刺足少陽是也蓋膽為中正之官決斷出焉今瘡邪外中其氣不守故心常惕惕然邪盛故熱多有風故汗出

升麻湯一治足少陽瘡身體解休見人心惕惕然熱多汗出

升麻 鼈甲去裙襖 淡竹葉各一兩 常山一兩

犀角屑 麥門冬去心 知母切各三兩 甘草炙半兩

右呖咀如麻豆大每服五錢水一盞半煎至一盞去滓空

心日午溫服

犀角湯 治足少陽瘡解休熱多汗出

犀角鎊 甘草炙各一兩 麥門冬去心 升麻

知母

鼈甲

酥炙去裙襴 各一兩半

石膏

碎研 二兩

右吹咀如麻豆大每服五錢水一盞半煎至一盞去滓於未發前溫服

足太陽膀胱瘧

附論

夫太陽瘧之狀內經謂令人腰痛頭重寒從背起先寒後熱熇熇暍暍然熱止汗出難已刺郄中出血蓋膀胱經下抵腰中上巔絡腦故腰痛頭重寒從背起也經虛受邪故先寒後熱也熱止汗出難已以真氣不勝邪故也

柴胡湯

治足太陽瘧寒熱

柴胡

常山

知母

鼈甲

去裙襴 醋炙黃

青蒿

甘草

枳殼

去穢 麩炒

官桂

去蘂皮 各一兩

右篩搗篩每服三錢水一盞入柳枝心七枚葱白二寸細切同煎至七分去滓空腹溫服發前再服

足陽明胃瘧 附論

足陽明胃瘧

附論

夫足陽明胃瘧在經則令人先寒洒淅寒甚久乃熱熱去汗出喜見日月光火氣快然當刺足陽明跗上在胃則令人旦病善飢而不能食食則支滿腹大當刺足陽明太陰橫脈出血蓋胃圍冲氣為水穀之海邪氣客之則冲氣不和故善飢不能食食則支滿腹大傳於經者為寒熱陽不勝於陰故喜見日月光及火氣也

順氣湯

治足陽明胃瘧支滿腹大

厚朴

去皮薑汁製

陳皮

湯浸去白木

半夏

湯浸七次 焙各一兩

乾薑炮

柴胡去苗

甘草炙各半兩

右籠搗篩每服三錢水一盞薑五片棗二枚擘破煎七分去滓不拘時溫服

枳殼湯

治胃瘧心腹脹滿不食

枳殼去穢麩炒三兩

厚朴去皮薑製

人參

白朮

白茯苓各二兩

右籠搗篩每服四錢水一盞半入生薑一棗大切煎至一盞去滓溫服

去滓溫服

紅丸子

專治食瘧

荆三稜醋煮蓬朮各二兩

胡椒一兩

青皮炒香三兩

阿魏一分化

右為細末別用陳倉米同阿魏醋煮糊為丸如梧桐子大每服五十九加至百丸用薑湯吞下或因食生菓成瘧用麝香湯吞下一方炒土硃為衣以老瘧飲下古方雖有鼈甲煎等不時服不見効

神効方

治寒瘧

硃砂細研

白芥子

阿魏各一錢

香墨五錢

砒霜一兩酸漿水一椀於端午日未出時慢火熬如稀糊便入後藥

右為末以砒霜煎和丸如黍米大每於未發前冷醋湯下一丸至二丸忌食熱物

分利順元散

治體虛之人患瘧寒多不可服截瘧藥者

川烏

附子各一兩

南星二兩

木香五錢別剉

右除木香不見火外三味各將一半去皮生用一半炮熟合和咬咀每服四錢水一盞半生薑十片棗七枚煎至七分發前一日及當發日早晨連進兩三服半生半熟能解陰陽

菓附湯

治氣虛脾寒瘡疾不愈振寒少熱面青或單寒者或大便溏泄小便反多不下食

草菓仁

附子炮

右各等分咬咀每服半兩水二盞三薑七片棗一枚煎至七分去滓不拘時溫服

知母鼈甲湯

療溫瘡壯熱不能食

知母

鼈甲炙

地骨皮 酪三竹葉 炮

石膏

四兩碎

常山 二兩

右切以水七升煮取一升半去滓分三服忌蒜猪肉蓴菜生葱生菜

藥餛飩

治證同前

良薑

吳茱萸

胡椒 各一分

右為細末猪脾一條剉作臛加五味炒之一半衮藥一半衮藥並作餛飩有藥者以墨點之遇點者吞下無藥者嚼下一服効

白木丸

治瘡瘡

白木

丹砂 研

麝香 研

丁香

訶梨勒皮

安息香

入胡椒仁研

檀香

萹撥

犀角

鎊各半兩

薰陸香

蘇合香

龍腦

研各一分

莎草根

石膏

木香

各半兩

右為末煉蜜丸如梧桐子大每服十九空腹井花水下老人小兒三丸仍用紗絹袋盛藥帶於臂上辟鬼氣臘月合以新磁器盛勿令泄氣

却毒散

治山嵐瘴氣有黑霧起處急服

麻黃

防風

蜀椒

去目并合口者炒出汗各一兩

烏頭

炮去皮臍

官桂

白朮

桔梗

炒各半兩

乾薑

炮一分

右為細末每服一錢溫酒調下每日食前常服
一云嵐氣者嶺南青草黃芒瘴狀如嶺北傷寒也角地煖

故太陰時草木不黃而落伏蟄不閉而藏雜蟲因暖而生則仲夏有青草瘴孟冬有黃芒瘴彼人失醫多成疸病即為難治嶺南人得之亦如傷寒壯熱頭疼一日三日已上在于皮膚前可汗而愈五日已上結于臟腑身重而腹痛當下之得愈即不可先下下之亦為難療其或不解則春秋作瘡痢而肌膚黃瘦

預固丸

治嶺南諸瘴

丹砂

雄黃

各一兩並研細水飛過令乾

鬼臼

半兩為末

阿魏

一分用酒半升熬成膏

右再研令勻以阿魏膏和丸如鷄頭大緋絹袋貯十九常執手中頻嗅瘴氣內行不着人遇瘴氣病者井花水嚼下

三九五服瘥

香椿散

治瘴氣惡心四肢疼痛口吐酸水不思飲食增寒

壯熱發過引飲二廣八閩多山嵐烟霧蛇虺鬱毒之氣當
秋七八月之間芒華發時此時疾大作謂之黃芒瘴又謂
之黃茅瘴是也蓋人或因飢飽或由虛怯或衝烟霧或涉
溪澗遂得此疾謂之黑脚瘴蝦蟇瘴啞瘴其名不一並皆
治之

香椿嫩葉

三兩酒浸炒

南壁土 酌日甘草炙

臘茶

各一兩

右為細末每服四錢用酒調下如患久者更入甘遂紫胡
各半兩空心臨卧服

鱖鯉甲酒

治山嵐瘴南方山嶺瘴氣令人寒熱發作無時

痿黃腫滿四肢痺弱

鱖鯉甲

炙五枚

鼈甲

去裙爛醋炙黃

烏賊魚骨

去

附子

炮裂去皮各一分

常山

半兩一方無

右細剉以酒二升半煎漬一宿瘴發前稍稍服之勿絕藥
味兼以酒塗身體服藥良久方可進食

山瘴瘴酒

療乍寒乍熱乍有乍無及瘴瘵滯發歇不定久

不瘥者

常山

三兩

鼈甲

炙

升麻

烏賊魚骨

去甲

附子

各一兩

右並切絹袋盛以酒六升漬之少令近火轉之一宿每服

一合七發可數服或吐忌猪肉生葱生菜苜蓿菜

保安湯 治山嵐瘴癘寒熱久不瘥

常山 半兩 青蒿 知母 各一兩 桃仁 湯浸去皮尖雙仁研半兩

右麻搗篩每服二錢水一盞生薑半分同煎至六分去滓不拘時稍熱服

觀音丸 治取下暑毒瘴毒

圓白半夏 生 烏梅肉 川巴豆 油不去 母丁香 每片各一枚

右為末薑汁煮麵糊丸如麻子大上下以厚紙蓋貼有油熬又再易紙每服五丸臨卧冷水下此方舟人於海角遇

白衣人授之

破塊丸 治受瘴結成氣塊腹中不能消散服之効

葶撥 大黃 各一兩俱生用

右為細末入麝香少許煉蜜為丸如梧桐子大每服三十丸空心冷酒下日三服

附子湯 治瘴癘經久不瘥正氣羸弱身熱如火極寒極熱

連日方醒發時沈著枕簟不能擡身戰掉不堪便溺飲食不便

附子 三枚一枚生去皮臍一枚炮熟去皮臍鹽水浸各一兩

右剉散每服三錢水一盞半生薑七片紅棗七枚煎至七分去滓攤冷吞靈砂丹五十粒或百粒未効再以七棗湯吞黃芽丹二十九丸仍服黑錫丹以墜痰亦可回元氣丸此瘴但當守續真元沉虛熱為法

沃雪湯 治山嵐瘴氣

蒼朮

去蘊皮炒

甘草

各二兩

防風

細切

白芍藥

去皮

厚朴

去蘊皮薑壓一宿後炒黑色

乾葛

各四兩

朴硝

一兩半研

右剉散每服四錢水二盞煎至一盞去滓不拘時熱服服畢少時以薑葱作羹或作粥喫了避風坐卧身體滋潤即愈兩滓又合煎服

茵陳蒿湯

治瘴瘧發作有時但熱不寒頭痛不安通身俱

黑大腸秘熱小便黃赤宜服此

茵陳蒿

山梔子

去皮

黃芩

去黑心

桔梗

炒

牡丹皮

去心

貝母

荊芥穗

去梗

升麻

半夏

湯泡洗七次焙

羌活

杏仁

湯浸去皮尖雙仁炒

獨活

麻黃

去根節焙已各半兩

細辛

一分

右箴搗篩每服三錢水一盞生薑三片煎一沸急瀉出臨發熱頭痛去滓熱服不拘時候但此瘧止發熱并初發時先壯熱者可服熱多寒少食後喫此藥

大青飲

瘴瘧積熱盛寒少熱多煩躁引飲

大青

一兩莖葉紫者是不紫即是遠志不可用也如無真者以青黛代之

大黃

醋炒

赤芍藥

常山

炒

龍膽

去土

甘草

炙各三兩

右箴搗篩每服五錢用水一盞半煎至八分去滓溫服氣盛熱多宜服得利或熱稍退即止人宿有冷疾年四十以上者雖有熱證不宜多服

常山飲

治瘴瘧但熱不寒煩渴不止

常山劉炒 甘草劉炒 青蒿焙一 烏梅七枚搥碎

右箴篩却以小便一盞水一盞酒一盞煎至一盞去滓當發日空心服

鬼哭散 治瘧瘧但熱不寒

右用黃丹煨過臨發時蜜湯調下稍大能飲酒用酒調下

神聖丸 治間日瘧

砒霜研一 大棗三枚煮去皮核 黑豆小者二十粒水浸去皮

右須於重午七夕日脩合研丸如豌豆大以丹砂為衣合時忌婦人鷄犬見於發日早晨將一丸面北香上度過用

冷茶清送下忌熱物一復時

治瘧或間日發或夜發者

常山 竹葉各三 秫米一百粒 石膏八兩

右吹咀以水八升銅器中漬藥露置星月下高淨處橫刀其上明日取藥病人房中以銅器緩火煎取三升分三服清旦一服未發前候一食頃一服臨發一服服訖靜室中卧莫共人語當日勿洗手面及漱口勿進食取過時不發少頃乃澡洗進食并用藥汁塗五心胃前頭面藥滓置頭邊

常山酒 治間日瘧

常山一兩 糯米 黑豆各一百粒 蒜獨頭者一顆去根莖橫切

右吹咀以清酒一升病未發前一日以酒浸藥於碗中以白紙覆之碗上橫一刀欲發時三分飲一分如未吐更服

一分得吐則瘥

半夏散

治痰瘧發作有時熱多寒少頭痛額角并脅前肌

肉瞶動食纔入口即吐出面色帶赤宜服此

半夏

湯浸洗去滑為末生薑汁搜和作餅曝乾

藿香

羌活

芎藭

各一分

牽牛

各半兩

右為細末每服三錢食後白湯調下

蒜丹丸

截瘧消痰

號丹

穿山甲

灰火中炮焦各一分

土硫

半兩

右為末以獨蒜煨去皮研膏和丸如梧桐子大每服十九

生薑烏梅紫蘇湯送下

龜甲漬酒

治痰瘧以時發

龜甲

半兩醋炙

烏賊魚骨

去甲

常山

各二兩

附子

炮裂去

甘草

炙各一兩

右剉如麻豆大每服五錢以酒一盞半漬藥一宿明日以

酒先塗五心遇發時瘧斷若不斷可飲藥酒一二盞即瘥

七棗湯

治五臟氣虛陰陽相勝作痰瘧不問寒熱先後與

夫獨作疊作間日及痰痞塞不通發作無時或寒多熱少

或單寒者悉皆治之

附子

一枚炮裂以鹽水泡再泡如此七次不浸去皮臍一方以陳壁土為湖泡浸七次

右吹咀分作二服水半碗生薑七片棗七枚煎至八分盞

當發日去滓空心溫服川烏亦可一方名冷附湯去棗煎

熟露一宿五更初冷服

凡患瘧疾無過是痰實痞塞不通脾氣弱虛熱在上停於胃膈不得入於臟腑所以五更冷服乃使藥下達壯脾胃夫痰實降虛熱養心氣屢試驗治瘧虛寒久不瘥者空心服仍食棗三箇一方葱白七寸同煎

龍虎丹 治瘧久不瘥或止或發繼月連年諸藥無効者

狗頭骨 鼠頭骨 牛頭骨 虎頭骨

兔頭骨 狸頭骨 龍角 獬豸頭骨

馬頭骨 天靈蓋 鼈甲 龜甲

阿魏 細研 麝香 別研各半兩 蛇頭 一枚 雄黃 細研一兩

硃砂 細研一兩

右為末入別研藥和令勻以軟飯和丸如鷄頭大以青絹

裹男左女右中指上繫一丸未定即以醋茶下一丸

鮫鯉甲酒 治瘧久不瘥

鮫鯉甲酒 浸 鼈甲 去裙欄醋浸 烏賊魚骨 去甲

常山 絡三 烏梅肉 微炒 竹葉 一握 豉 一合

桃仁 皮尖雙仁 炒 湯浸去 葱白 七莖切

右剉如麻豆大用生絹袋盛以酒三升浸經一宿每日空腹溫服半盞良久取吐如不吐至巳午時再服三兩服如不瘥隔日更依前服之

治久瘧

狐糞 雄黃 阿魏 黃丹
硃砂 丁香 各一兩 麝香 一分

右同研為細末醋煮麵糊為丸如鷄頭實大以緋帛裹一丸男左女右繫其臂上

治瘡久不瘥

蜘蛛脚五枚大者去脚研如膏

蛇蛻皮一條全者燒灰

蝙蝠一枚炙

麝香半兩研

鼈甲醋一枚去裙襖

右為末研勻五月五日合以蜘蛛膏入煉蜜和丸如麻子大每服五丸空心温酒下小兒茶下二丸

久瘡丸

治瘡百方不瘥者宜服

砒霜研一錢

乳香半兩研

半夏湯洗七遍焙乾秤一兩

右為細末於重午日正午時用粽子尖和為丸如皂角子大發時以醋湯下一丸更不再服如非重午日須兩服瘥

祛瘡神應丸

治久瘡及諸瘡疾

右用三姓人家寒食日食用白麵每一家取一匙於五月五日午時採青蒿搗取自然汁和前麵為丸如菘豆大每服一丸當發日早晨取無根井水送下一方用黃丹一匙炒過與麵一處碾和勻

鼈甲煮散

治勞瘡

鼈甲醋法裙襖炙

黃耆剉

牛膝酒浸切焙

天靈蓋酥炙

兔絲子酒浸別搗

續斷各半

羌活去蘆

柴胡去苗

赤茯苓去皮

生乾地黄焙

木香

陳橘皮湯浸去白焙

芎藭

山茱萸去核

獨活去蘆

藿香各一分

麝香錢一

右為末每服三錢水一盞入鹽少許同煎七分空心和水
服或煉蜜丸如梧桐子大空心鹽湯下四十九丸亦得

烏梅丸 治勞瘡及瘰癧等瘡悉皆治之

烏梅肉 微炒 肉苁蓉 酒浸一宿刮去皺皮炙乾 鼈甲 去裙襴醋

桃仁 湯浸去皮尖雙仁 香豉 炒乾 麝香 半兩

常山 川升麻 人參 去蘆 甘草 炙微

知母 桂心 各三分

右為末入麝香研勻煉蜜和搗二三百杵丸如梧桐子大

每服未發前空心溫酒下三十九至發時又服三十九每

日服之以瘥為度

露星飲 治久瘡成癩

白茯苓 檳榔 常山 秦艽

柴胡 黃芩 半夏 官桂

白朮 甘草 各等分

右吹咀每服三錢水酒各半盞露一宿次早溫去滓服

神効手把丸 治鬼瘡

獼猴頭骨 虎頭骨 猫兒頭骨 砒霜 細研

常山 硃砂 細研 乳香 細研 麝香 細研

白芥子 阿魏 各一分 蜈蚣 一枚

右為末研令勻取五月五日午時煉蜜和搗三五百杵丸

如皂角子大以緋絹裹一丸男左女右臂上繫之發時於

淨室內焚香恭信解下男左女右以手把之時時就鼻嗅

之四五度効

治鬼瘡神効丸

砒霜細研 硃砂細研 乳香細研 各麝香細研

阿魏細研 安息香 菘豆末 獼猴頭骨

虎糞中骨各一分

右為末研勻以蒸餅和丸如梧桐子大未發前男左女右手把一丸便卧一炊時久便瘥

萬安丸

治鬼瘡

虎頭骨酒炙三兩 藜蘆六兩 雄黃研 鬼臼

天雄炮去皮臍 蕪荑炒 皂莢酥炙去皮子各一兩

右為細末入別研雄黃末令勻煉蜜和丸如彈子大令患

者頭上戴一丸立瘥若除伏屍於房內四角燒四粒除疫氣於床前燒一粒或熱甚男左女右臂上帶一粒則便愈矣

雄黃丸

治一切遠年瘡結成癥瘕

雄黃研 丹砂研 麝香研各半兩 鼈甲去裙爛醋炙

龜甲醋炙 木香 虎頭骨酒炙 羚羊角鎊屑

犀角鎊屑 白薇 玄參 當歸切焙

知母 防風去義 麻黃去根 龍膽去苗

牡蠣燒赤 猪苓去黑皮 柴胡去苗 茯神去木

升麻 檳榔剉 地骨皮 赤芍藥

梔子仁 黃連去鬚 烏梅肉 阿魏

安息香 研

桃仁

湯浸去皮尖雙仁炒

葶藶

龍齒

各三分

右除別研外餘藥為細末合研勻煉蜜和丸如梧桐子大每服二十九白粥飲下來發前服

消癖丸

治瘧母停水結癖腹脇堅痛

芫花

兩二

硃砂

細研五錢

右為末煉蜜和丸如小豆大每服十九濃煎棗湯下去癖用芫花大戟破水之劑下後即愈

柴胡栝蒌根湯

治瘧而發渴

柴胡

黃蓍

人參

甘草

生薑

各三分

大棗

二十枚

根四兩

右以咀用水一斗二升煮取六升去滓煎取三升溫服一

升日三

麥門冬湯

治瘧病發熱煩躁體黃小便不利令人多驚如

有所見

麥門冬

焙心

犀角屑

杏仁

湯浸去皮尖雙仁炒微黃

常山

甘草

炙各半兩

糯米

八十一粒

右煮搗篩以水五盞煎至三盞去滓分為五服於發前溫服之

茯苓湯

治瘧病發熱身黃小便不利

赤茯苓

去黑皮

白芍藥

瞿麥穗

各一兩

白朮

三分

右煮搗篩每服五錢水一盞半入葱白五寸生薑一分壁

碎同煎至七分去滓食前溫服

奇効良方卷之十三

痢門

附論

夫痢者古云滯下今爲痢疾脈經云腸澼下膿血脈沉小留連者生數實且大有熱者死又腸澼筋攣其脈小細安靜者生浮大緊者死嚴氏云下痢之脈微小者生洪者難治腸澼下膿血者脈宜滑大若弦急者死仲景分治之法下痢脈沉弦者下重脈大者爲未止脈微弱數者爲欲自止雖發熱不死下痢手足厥冷無脈者灸之不溫若脈不至反微喘者死下痢有微熱而渴脈弱者令自愈脈數有微熱汗出令自愈設脈緊爲未解下痢脈數而渴者令自愈設不差必清膿血以有熱故也病機要云後重則宜下腹痛則宜和身重則除濕脈弦則去風膿血稠

粘以重劑竭之身冷自汗以藥溫之風邪內縮宜汗之驚澹爲痢當溫之又云在外發之在裏下之在上湧之在下竭之身表熱以踈之小便澀分利之又曰盛者和之去者送之至者止之蘭室秘藏云假令傷寒飲食脹滿而傳殮泄者宜溫熱之劑以消導之傷濕熱之物而成膿血者宜苦寒之劑以內踈之風邪下陷者升舉之濕氣內勝者分利之裏急者下之後重者調之腹痛者和之洞泄腸鳴無力不及拈衣其脈弦細而弱者溫之收之膿血稠粘至圓而不能使其脈洪大而有力者寒之下之機要又云太陰經受濕而爲水泄虛滑身重微滿不知穀味久則防變而爲膿血脾經傳腎謂之賊邪故難愈假若先痢而後滑謂之微邪故易痊此皆脾土受濕之所爲也陳無擇云滯下

之證內經所載血溢血泄血便注下古方則有清膿血今爲痢疾其實一也多由脾胃不和飲食過度停積於腸胃不能剋化又爲風寒暑濕之氣所下故爲此疾傷熱則赤傷冷則白傷風則下清血傷濕則下如豆汁冷熱交併赤白兼下治法當通利之藥踈滌臟腑嚴氏以巴豆等劑推其積熱後辨以冷熱風濕之證用藥調治熱赤者清之冷白者溫之傷風而下清血者則祛逐之傷濕而下豆汁者分利之冷熱相併溫涼以調之仍須先調胃氣切不可驟用罌粟訶子之藥止之澁之使停滯不泄多致危殆陳無擇又云古方風停膚腠下瘀血或下鮮血濕毒下如豆汁皆外因之所致古方有五淺因臟氣鬱結隨其所發使利膿血作青黃赤白黑一一不同即內因也又飲食油膩熱

物酒醴醢醢縱情恣慾房室致傷精血腸胃粘溢久積冷熱遂成毒痢皆不內外因治之先推其歲運以平其外察其鬱結以調其內審其所傷以治不內外條然明白不致妄投也此分三因而治用藥當以三因內求之大全良方云有一方一家之內上下傳染長幼相似是疫毒痢也治法雖當察運氣之相勝亦不可狎泥當先察其虛實冷熱首用敗毒散倍加人參甘草陳皮隨證用之陳無擇又云飲食冷熱酒醴醢醢腸胃粘溢久積冷熱遂成毒痢嚴氏云或有飲冷酒寒物房慾勞傷精血而成久痢則宜化毒以保衛之病機云重急後重脈大而洪實為裏熱甚而閉是有物結墜也若脈大甘世不宜下雖裏急後重而脈沉細弱者謂寒在內而氣散可澁並食自愈裏急後重閉者大腸

氣不宣通也宜加檳榔木香宣通其氣原病式云下迫後重裏急窘迫急痛也火性急速而能燥物故也機要云腹痛者和之如發熱惡寒腹不痛以黃芩多用腹痛甚者加當歸倍芍藥百一選方云禁口痢是毒氣上衝心肺所致用石蓮肉以通心氣丹溪云吃病氣自下衝上屬火之象古方悉以胃弱言之殊不知胃弱者陰弱也虛之甚也滯下之久多見此證乃久下而陰虛也原病式曰或言下痢白為寒者誤也若果為寒則不能消穀何由反化為膿也所謂下痢穀反為膿血如世之穀肉菓菜濕熱甚則自化腐爛潰發化為污水也其熱為赤熱屬心火故也其濕為黃濕屬脾土也燥鬱為白屬肺金也經曰諸氣憤鬱皆屬於肺謂燥金之化也然諸瀉痢皆兼於濕今反言氣燥

者謂濕熱甚於腸胃之內而腸胃拂鬱結而又濕至于否以致氣液不得宣通因以成腸胃之燥使煩渴不止也假如下痢赤白俗言寒熱相兼其說尤悞豈知水火陰陽寒熱者猶權衡也一高則必一下一盛則必一衰豈能寒熱俱甚於腸胃而同爲痢也如熱瘡瘍而出白膿者豈可以白爲寒歟其在皮膚之分屬金故色白也次在血脉之分屬心火故爲血也其色紅在肌肉屬脾土故作黃膿在筋部屬肝木故其膿色帶蒼深至骨屬腎水故紫黑血出也各隨五臟之部而見五色是其標也本則一出於熱但分淺深而已大法下迫窘痛後重裏急小便赤澀皆屬燥火而下痢白者必多有之然爲熱明矣又云白痢既爲熱病何故服辛熱之藥亦有愈者耶蓋辛熱之藥能開發腸胃

鬱結使氣液宣通流濕潤燥氣和而已蓋病微者可愈甚者鬱結不開其病轉加而死矣凡治熱甚吐瀉亦然夫治諸痢者莫若以辛苦寒藥治之或微加辛熱佐之則可蓋辛能發散開通鬱結苦能燥濕寒能勝熱使氣宣平而已如錢氏香連丸之類是也故治諸痢者黃連黃蘗爲多以其至苦大寒正主濕熱之病乃若世傳辛熱金石毒藥治諸吐瀉下痢或有愈以其善開鬱結故也然雖有可驗者或不中効反更加害丹溪曰或問河間之言滯下似無挾寒者乎予曰洩痢之病水穀或化或不化虛實何如惟覺困倦若滯下則不然或膿或血或膿血相襍或腸垢或無糟粕或糟粕相混有痛不痛大痛之異然皆裏急後重逼迫腦人似乎皆熱實證也原病式云所論痢之赤白皆云

有熱熱在氣分爲白熱在血分爲赤赤白相雜者氣與血皆受病也且滯下之證古人多與泄瀉同論至三因方始能另立條目蓋實有不同夫病有從外感而得者須分六氣之異外既受傷腸胃鬱結遂成赤白等證當隨其氣血虛實以調之有因臟氣發動干犯腸胃而得者須察其何臟相乘以平治之又有因飲食失節而得者則又審其何物所傷以消尅之世之感此疾者其因誠不越乎是三者但其受病之後腸胃佛鬱膿血稠粘裏急後重諸方雖有寒熱虛實之論劉河間則以爲熱內經亦以熱多而寒少丹溪以爲挾虛挾寒之證且前人立論各有立法見證立方各有受病之源隨證用藥後之學者宜深審之可不慎諸人之命豈可輕忽也

痢疾通治方

胃風湯 治大人小兒風冷乘虛客於腸胃水穀不化泄瀉注

下腹腸虛滿腸鳴腹瀉及腸胃濕毒下如豆汁或下瘀血

白朮 白芍藥 川芎 人參

茯苓 去皮 當歸 各二 肉桂 去皮 半錢

右作一服水二鍾粟米一撮煎至一鍾不拘時服

地榆散 治大人小兒脾胃氣虛冷熱不調下痢膿血赤多白少或純下鮮血裏急後重小便不利

地榆 炒 乾葛 各四 乾薑 炮一 當歸 去蘆

茯苓 去皮 赤芍藥 各三 甘草 炙二 罌粟殼 蜜炙 六錢

右爲細末每服二錢用溫熱水調下不拘時服

神效參香散 治大人小兒臟氣虛怯冷熱不調積而成痢或

下鮮血或如豆汁或如魚腦或下瘀血或下紫黑血或赤

白相雜裏急後重日夜頻數無問新舊並皆治之

白扁豆炒 木香 人參去蘆各二兩 茯苓去皮

肉苳蔻煨各四兩 罌粟殼去蒂 陳皮去白各十兩

右為細末每服三錢用溫米飲調下不拘時服

木香散 治脾胃虛弱內挾風冷泄瀉注下水穀不化腹中疴

痛久痢脾滑不禁

木香 赤石脂 訶子肉 附子醋煮去皮

甘草銹一錢 藿香葉 肉苳蔻各一錢半 當歸二錢

丁香半錢

右作一服水二鍾生薑三片紅棗一箇煎一鍾不拘時服

真人養臟湯 治大人小兒冷熱不調下痢赤白或如膿血魚

腦裏急後重脘腹疴痛如脫肛墜下酒毒便血並治之

肉桂去皮半錢 人參去蘆 當歸去蘆 訶子去核

木香不見火 肉苳蔻麩裹 甘草各一錢 白芍藥

白木各一錢半 罌粟殼去筋膜蜜制二錢

右作一服水二鍾煎至一鍾不拘時服臟寒者加附子

痢聖散子 治男子婦人遠年近日赤白下痢

罌粟殼去蒂蓋 黃蘗去蘆皮 枳殼去穰炒 御米即粟殼子

甘草各二錢 當歸去蘆 乾薑炮各一錢

右作一服水二鍾葱白二條擘碎同煎至一鍾空心服

訶梨勒散 治脾胃虛弱內挾冷氣心脇刺痛嘔吐惡心腸鳴

泄痢水穀不化漸成痢疾

訶子 去核

肉荳蔻

麩暴

青皮

去穢各四兩

附子

炮一兩

肉桂 去皮五錢

右為細末每服三錢淡生薑湯調下不拘時服

黑丸子 治脾胃怯弱飲食過傷留滯不化遂成痢下服此藥

推導更須斟酌受病淺深增減丸數當逐盡積滯方佳然

後徐徐補之

烏梅肉

杏仁

去皮尖另研

半夏

湯泡七次

縮砂

各十箇

百草霜 六錢

巴豆

稍去油半錢

右為細末和勻用稀糊為丸如黍米大每服十五丸加至

二十九用白湯送下看人虛實加減丸數服之

駐車丸 治冷熱不調下痢赤白日夜無度腹痛不可忍者

黃連

去鬚六兩

阿膠

炒粉

當歸

去蘆酒洗

乾薑

炮各三兩

右為細末醋煮米糊為丸如梧桐子大每服五十九加至七十九空心用米飲湯送下

五苓散 治伏熱下痢分利陰陽

方見暑門

黃連香薷散 治感暑下痢鮮血

方見暑門

香連丸 治冷熱不調下痢赤白膿血相雜裏急後重

黃連

去鬚十兩用吳茱萸五兩同炒令赤色去茱萸不用

木香

一兩四錢不見火

右為細末醋糊為丸如梧桐子大每服五七十九食前用米湯送下

水菴木香丸 治一切下痢赤白膿血相雜裏急後重

木香不見 訶子炮去核 當歸洗去蘆各六兩 青皮去白

甘草各二兩 罌粟殼去穰蒂三兩八錢

右為細末煉蜜為丸如彈子大每服一丸用水一鍾煎至六分空心服

黃連阿膠丸 治冷熱不調下痢赤白裏急後重臍腹疼痛口

燥煩渴小便不利

黃連去鬚三兩 茯苓去皮 阿膠各二

右黃連茯苓為末熬阿膠搜和為丸如梧桐子大每服五

七十丸空心用米飲湯下

戊己丸 治脾經受濕泄瀉不止米穀不化臍腹刺痛

黃連去鬚 吳茱萸炒去梗 白芍藥各五兩

右為末麵糊為丸如梧桐子大每服五七十九空心用米飲湯下日三服

荳蔻固腸丸 治脾胃虛弱臟腑頻滑下痢赤白

肉荳蔻麩裏 木香 赤石脂 乾薑

厚朴薑製 縮砂各一兩

右為末麵糊為丸如梧桐子大每服六十九空心米飲下

茜根丸 治一切毒痢及蠱注下血如鷄肝心煩腹痛

茜根洗 川升麻 犀角鎊 地榆洗

當歸

去蘆酒洗

黃連

去鬚

枳殼

去穰炒

白芍藥

各等分

右為末醋煑麵糊為丸如梧桐子大每服七十九空心用

米飲湯下

芍藥皮丸 治一切濕熱痢頻併窘痛無問膿血並宜服之

方見火門

阿膠梅連丸 治下痢無問久新赤白青黑疼痛等症

阿膠

蛤粉炒

烏梅肉

赤芍藥

黃藥炒

黃連

去鬚

乾薑

炮

赤茯苓

當歸炒等

右為末入阿膠研勻水和為丸如梧桐子大每服五六十

丸空心用米飲湯下

地榆散 治中暑昏迷不省人事欲死并治血痢

地榆

赤芍藥

黃連

去鬚

青皮

去白各等分

右為末每服三錢漿水調服如無只以新汲水亦得若血

痢水煎服

蒼朮芍藥湯 治痢疾痛甚者

蒼朮

一兩

芍藥

半兩

黃芩

官桂

各二錢半

右作一服水三鍾煎至一鍾食前服

黃連湯 治大便後下血腹中不痛者謂之濕毒下血

黃連

三錢

當歸

五錢

甘草

二錢半

右作一服水二鍾煎至一鍾不拘時服

當歸活血湯 一名桃花散 治腸澀血下濕毒下血

當歸身

升麻

各一錢

槐花

青皮

荆芥穗

熟地黄

白木各六錢

川芎四錢

右為末每服三錢米飲湯調下不拘時服

木香烏梅丸 治大小便前後下血不止

烏梅三斤温水浸取肉一斤

絲瓜燒存性

百草霜

末香各二兩

黃連

黃芩

黃蘗

梔子

枳殼炒

當歸各一兩

半夏薑製

大黃各五錢

陳皮八錢

右為末用炒神麩四兩入煎藥一同杵干餘下丸如梧桐子大每服七十九空心用米飲下如硬加烏梅水和之

赤陽除濕防風湯 治大便閉或裏急後重數至圓而不能便或少白膿或少有血快勿利之舉其陽則陰火自降矣

防風

白芍藥各一錢半

茯苓各二錢

蒼朮三錢

甘草半錢

右作一服水二鍾煎至一鍾空心服

白木安胃散 治一切瀉痢無問膿血相雜裏急窘痛日夜無度

白木

茯苓去皮

車前子各一錢

烏梅各半錢

罌粟殼半錢

右作一服水二鍾煎至一鍾食前服

宿露湯 治一切痢

酸石榴皮

草菓各半錢

青皮二錢

椿根皮半錢

杏仁十四箇

甘草一錢

右作一服用水二鍾生薑三片烏梅二箇煎至一鍾露一宿早晨服

木香荳蔻丸 治臟腑冷極久冷傷憊口瘡下泄米穀不化飲食無味肌肉消瘦心多嗔怒婦人產後虛冷下泄及一切水泄冷痢脾泄此方於東坡家藏方內言用此藥與人莫不神應備錄病愈人名姓茲不備述予用此方十餘年無不取効脾泄者即愈而瀉痢者只一服見効惟熱瀉瀉不治蓋藥性熱也隨證用之

木香 破故紙各一兩 良薑 砂仁
厚朴各七錢半 赤芍藥 陳皮 官桂
白朮各半兩 吳茱萸洗水 胡椒各二錢半 肉荳蔻四箇

檳榔一箇

右為細末用漿水煮猪肝和藥搜勻仍用些麪糊為丸如梧桐子大每服五七十九空心熬稀米粥飲下

纏金丹 治大人小兒一切瀉痢無問冷熱赤白連綿不瘥愈而復發腹中疼痛者宜服之

硃砂無方 乳香各二錢半 巴豆去皮心 杏仁去皮尖各
硃砂一兩 木鱉半兩 白膠香一錢 黃丹二兩

砒霜醋煎煨三錢半或研入磁罐子以赤石脂固縫盛泥固濟火燒通赤候冷取出

右為細末鎔黃蠟一兩搜和丸如麻子仁大每服一九小兒半丸水瀉新汲水下赤痢甘草湯下白痢乾薑湯下赤白痢甘草乾薑湯下並放冷臨卧服孕婦勿服忌熱物一

二時辰一方鎔臘入油二十點和劑令軟用油紙裹旋丸
肉荳蔻丸 治胃虛脾弱停積風冷大便泄瀉水穀不化腹脇

脹痛下痢膿血通數頻併裏急後重嘔逆惡心肢體困倦

飲食減少

肉荳蔻麩果 黑附子炮去皮臍 川薑炮 硫黃研

白木炒 當歸去蘆 訶子肉 桂心各一兩

川烏頭炮去皮臍 紅豆各半

右為細末醋煮麵糊為丸如梧桐子大每服三十九空心

用米飲下

白朮調中丸 治脾胃不和心下堅痞兩脇脹滿臍腹疼痛噫

宿腐氣霍亂吐瀉米穀不消久痢赤白膿血相雜多日羸

瘦不思飲食

白朮半兩 神麴炒兩四 人參去蘆 白茯苓去皮

猪苓去黑皮 澤瀉各三錢 木香二錢 官桂去蘆皮一錢半

甘草去皮 乾薑各一兩

右為末麵糊為丸如梧桐子大每服五七十九空心用淡

生薑湯下

加味六均子湯 治一切脾胃虛弱泄瀉之證及傷寒病後米

穀不化腸中虛滑發渴微痛久不瘥者及治小兒脾疳泄

瀉得痢

人參 白朮 白茯苓 黃耆

山藥 甘草 砂仁各一兩 加厚朴

肉荳蔻 麵裹煨另研 各七錢半

右為細末每服二錢用飯湯調服不拘時候如渴煎麥門冬湯調服

震靈丹 治腎泄腹痛無定處似痢非痢骨痛面驚腰脚時冷

禹餘糧 火煨醋淬不計遍數手搥得碎為度 丁頭代赭石 如上述法脩製

赤石脂 醋淬已上各四兩入甘鍋內以瓦蓋口鹽泥固濟候乾用硬炭十斤

暇通紅火盡為度入地坑埋出火毒二宿研末用 滴乳香 沒藥

五靈脂 並去砂石別研各二兩 硃砂 別研

右並研為細末糯米粉糊為丸如小鷄頭大風乾每服三

丸用炒故紙入棗煎湯調鍾乳粉少許空心下小兒腎泄

白膿褐汁面黯齒脫畏人怯寒震靈丹末入些鍾乳粉以

棗并炒故紙共煎熱湯調下

沒石子丸 治臟氣虛弱大腸滑泄次數頻併日漸羸瘠不進

飲食或久患赤白痢脾泄等病並宜服之

沒石子 南番者麵裹炮 肉荳蔻 麵裹炮各二兩 訶子肉 濕紙裹煨

白薑 微切炒片 丁香 不見火 赤石脂 別研 白茯苓

白朮 已上各二錢

右為末和勻湯浸蒸餅為丸如梧桐子大每服三四十九食前用米飲吞下一日三四服棗肉丸亦得

地榆湯 治泄痢無問老少

地榆 酸石榴皮 赤芍藥 厚朴 去蘆皮製

甘草 炙各三分 阿膠 炙燥 白石脂 研 龍骨 研各半兩

右搗篩每服五錢水一盞半煎一盞去滓空心日午溫服

斷痢散 治一切瀉痢腹痛久不瘥

肉荳蔻 乾薑炮 丁香 各二錢半 訶子 去核

甘草 炙 陳皮 各一兩 御米殼 去蒂蜜炒三兩

右咬咀每服二錢半水一盞乳香一粒粟米百粒同煎至

七分去滓溫服食前霍亂吐瀉水冷服

育腸丸 治腸胃虛弱內傷生冷腹脹泄瀉時時刺痛裏急後

重下痢赤白或變膿血晝夜頻併經久不瘥此藥實腸胃

進飲食

烏梅肉 黃連 去鬚各一分 訶子皮 罌粟殼 去蒂筋

肉荳蔻 濕紙裹煨各半兩 當歸 去芦頭酒浸一宿焙一兩

右為細末煉蜜為丸如梧桐子大每服三十九至五十九

空心食前飯湯下如小兒作小丸煎甘草乾薑湯下一方

加川芎一分

六神散 治瀉痢赤白腹痛不可忍痢久不止者

御米殼 蜜炙一兩 青皮 去白 陳皮 去白 烏梅肉

乾薑 炮各五錢 甘草 炙三錢

右件咬咀每服四錢水一盞半乳香一粒同煎至六分去

滓溫服食前日進二服一方無乳香赤痢冷服白痢熱服

花痢溫服一方無乾薑

治泄痢方 夷堅甲志云昔虞丞相自渠州被召途中冒暑得

疾泄痢連月夢覺間有韻語方一紙讀之數過其詞曰

暑毒在脾濕氣連脚不泄則痢不痢則瘡獨煉雄黃蒸餅和藥甘草作湯服之安樂別作治療醫家大錯如方服之遂愈

石榴皮散 治暴瀉不止及痢下赤白

右用酸石榴皮燒灰存性不以多少研為細末每服二錢空心用米飲調下

炙鷄散 治脾胃氣虛腸滑下痢

右用黃雌鷄一隻治如食法以炭炙之搥了以鹽醋刷之又炙令極乾燥空腹食之

不二散 治諸般瀉痢神効

罌粟殼

青皮去穢焙乾

陳皮去穢焙乾各二兩

當歸炒去蘆

甘草炙

甜藤如無只以乾葛代已土各一兩

右件咬咀每服三錢水一盞煎七分去滓通口服如患赤

白痢用酸石榴皮一片同煎極妙

神効鷄清丸 治一切瀉痢

木香二兩

黃連二兩半

肉苳菘七箇生用

右先為細末取鷄子清搜和藥作餅子於慢火上炙令黃色變紅極乾再研為末用麵糊為丸如梧桐子大每服五十丸空心米飲湯下

御米丸 治一切瀉痢

肉苳菘

訶子肉

白茯苓

白木各一兩

石蓮肉

當歸各半

乳香三錢

罌粟殼一兩半蜜炙

右為細末水糊為丸如梧桐子大每服三五丸空心用米飲下如血痢減荳蔻白朮當歸罌粟殼

地榆丸 治瀉痢或血痢

地榆 微炒 當歸 微炒 阿膠 糯米 黃連 去鬚

訶子 取肉 炒 木香 曬乾 烏梅 去核取肉秤已 上各半兩

右為細末煉蜜為丸如梧桐子大每服二三十粒空心用陳米飲吞下先公頃在括蒼病痢踰月得此方而愈頃在雲上士人蘇子病此危甚其婦翁孫億來告急錄此方以與之旋即痊安致謝云

治痢仙方 訶曰

八痢臨終事可危 仙方等分與均醫

三香上痛最為緊 四白和中不可虧

甘枳更加罌粟殼 訶榆全藉石榴皮

半夏厚朴黃連橘 救苦天醫只片時

丁香 沉香 木香 白朮

白芷 白茯苓 白芍藥 甘草

枳殼 罌粟殼 訶子 地榆

酸石榴皮 半夏 厚朴 黃連

陳皮

右各一錢分作五服白加生薑煎赤加烏梅煎食前服

治痢如聖散 治一切痢疾無問久新或赤或白或赤白相雜

日夜無度悉能治之紹興壬子浙東提舉黃郎中施此藥

頗有效驗

當歸

地榆

縮砂仁

赤石脂

陳皮

石榴皮

訶子肉

罌粟殼

乾薑

甘草各等分

右為齋末每服三錢水一盞半入陳霜梅一箇煎至七分去滓赤痢冷服白痢熱服赤白痢溫服年高娠婦小兒皆可服忌生冷油膩物

治痢方

右用生鷄子一箇連紙一幅烏梅十箇有肉者取鷄子白攤徧連紙日乾摺作四重包撮烏梅安熨斗中用白炭火燒煙盡取出以盞碗蓋覆候冷研令極細入水銀粉少許

和勻如大人患分為二服小兒分為三服不拘時赤白痢空心井花水調服如覺臟腑微有踈利更不須再服

秘方養臟湯 治五色痢經驗

陳皮去白

枳殼去穰

黃連去鬚

烏梅去核

南木香

杏仁去皮尖

厚朴去蘼皮薑汁炒

甘草各五錢

罌粟殼去蒂膜蜜炒一兩

右剉散五色痢黑豆棗子煎服紅痢生地黃春茶甘草節煎服五色痢久不効加龍骨赤石脂人參芍藥各一兩為末煉蜜丸烏梅甘草湯下粟米飲亦可立効

黑虎丹 治痢疾不可者

右用十二月殺的猪膽可收一百之上將雄黑豆裝入膽

內麝香少許陰乾看人大小每服五七粒為細末如紅痢甘草湯下如白痢生薑湯下

獨神丸 治一切赤白痢不問久新百藥不効者

右用嬰粟殼十兩重分作三分一分醋炒一分生用去穢及蒂萼一分蜜炙研為末煉蜜和丸如小指頭大紅痢生地黃春茶煎湯嚼下白痢烏梅甘草節俱為末二錢陳米鹽湯下亦効一方薑煎一方用米醋一中盞將粟殼且炙且蘸候盡色黃為焙乾研為末煉蜜為丸如彈子大每服一丸水一盞入生薑三片煎至八分通口服

痢藥乳香散

白梅燒灰一兩

棗子燒灰一兩

訶子燒灰半兩

嬰粟殼燒灰一兩

右為粗末每服一二錢用水一小盞入乳香一小豆許同煎至七分不拘時溫服

治痢方

右用臘茶為細末不以多少用白梅肉和丸赤痢甘草湯下白痢烏梅湯下泄瀉不止陳米飲下每服二十九團茶尤佳大凡痢疾不問赤白而後為冷熱之證若手足和暖則為陽當先服五苓散用粟米飲調下次服感應丸二十粒即愈若手足厥冷則為陰當服暖藥如已寒丸附子之類如此治痢無不効有人夏月患痢一日六七十行用五苓散立止

遇仙立効散

治諸般惡痢或赤或白或濃淡相雜裏急後重

臍腹疔痛或下五色或如魚腦日夜無度或禁口不食不問大人小兒虛弱老人產婦並宜服之

川當歸洗 甘草炙

御米殼去蒂蓋炒黃各二兩

赤芍藥

地榆

酸石榴皮各半兩

右為齋末每服三錢水一盞半煎至七分空心溫服小兒量歲數加減以瘥為度忌生冷油膩腥臊等物一方入赤茯苓北棗等分

金粟湯

治丈夫婦人室女小兒一切下痢無問新久冷熱不

調日夜無度臍腹疔痛諸痢肢體困倦小便閉澀不思飲食漸加羸瘦又治內傷生冷脾胃怯弱飲食不消嘔吐泄瀉不止連月不瘥並宜服之

陳皮

去白一分 車前子炒

乾薑炮二兩

甘草炒

罌粟殼去穢蒂蜜炒各半斤

右為末每服二錢水一盞生薑二片棗一箇煎七分空心

食前稍熱服或飯飲調下亦得忌生冷油膩魚酢醬等物

犀角丸 但是痢服之無不瘥

犀角屑

取黑色文理者產後爾佳

宣州黃連

苦參多買輕搗

金州黃蘗赤色緊薄者

川當歸

五物俱取粉

右各搗研為末各等分和勻空腹爛煮糯米飲調方寸匕

服之日再服忌粘滑油膩生菜

聖棗子 治一切下痢臍腹疔痛

木香半錢

乳香別研

沒藥

別研各一錢

肉荳蔻麩裹煨二枚

右為末每服一錢大乾棗一枚去核先入一半藥在內次用水浸巴豆半粒再入藥末半錢合定用油餅麵裹一指厚火煨麵熟為度去麵并巴豆不用只細嚼棗藥米飲空心下一方用乳香一两研肉苳蔻二兩煨作末用陳米糊為丸服効

治痢絕妙丸

金櫻花葉及子

罌粟殼去蒂萼 醋炒

右為末煉蜜為丸如手指頭大五色痢用春茶陳皮煎湯下如為末用蜜一匙春茶烏梅煎湯調服

楊梅方 和五臟能滌腸胃除煩悶惡氣切不可多食甚能損齒及筋亦能治痢

右用楊梅燒灰研為細末每服一錢食前用白沸湯調服
百中散 治一切痢不問赤白或一日之間一二百行只一服
便踈再二二服即愈

罌粟殼

三斤去上下蒂頂隔剉成

厚朴

三斤去籠皮用生薑自然汁淹一宿炙令薑汁盡為度淨秤

右為細末每服二三錢空心用米飲調下忌生冷油膩魚鮓毒物三日

治痢千百種雜下

黃連 三兩

烏梅 十四箇

右用以水八升煮取四升停冷納鷄子白一枚攪調又煎取二升分為三服一方下痢熱諸治不瘥為末煉蜜為丸

如梧桐子大每服二十九日三夜二米飲送下

真方聖散子 治男子婦人脾胃受濕中脘停寒喫物煩傷心
胃滿悶脇助膨脹腸鳴虛痞小腹堅痛臍下強急或大便
不調米穀遲化裏急後重下痢膿血或下五色或便如魚
腦或如豆汁或有鮮血或如爛肉相似日夜無度久而不
愈嗜卧怠墮虛羸肢體沉困寒熱時作此藥能固養脾胃
温中止腹痛服之甚有所益

訶子皮

乾薑 炮

揀丁香

肉苳蔻

麩裹煨
去麩

烏魚骨

去皮

赤石脂

甘草

炙黃各
一兩

御米殼

五兩搗
碎炒

右為細末每服先用水一盞入乳香少許煎五七沸調藥
末二錢食前熱服

治痢

右用罌粟古方未聞今人所用雖其法小異而皆有奇功
或用數顆慢火炙黃為末來飲下或去粟用殼如上去或
以殼五七枚甘草一寸半生半炙用水一大椀煎取半椀
温温呷服即愈

瓜萋散 治五色痢疾久不愈者

瓜萋

一箇黃色者以炭火煨存性
用蓋定地下一宿出火毒

右研為細末作一服用温酒調服胡大卿有一僕患痢半
年至杭州遇一道人傳此方而愈

止痢法

肉苳蔻

一箇

訶子

一箇炮
去核

右為末每服一錢空心用米飲調下
頂禮散 治陰陽相搏真氣失守上盛下寒便痢不禁先宜固
住腸胃

白茯苓

白朮 各半

木香

濕紙

草薺仁

陳皮

訶子

白扁豆

生薑自然汁煮
去皮炒各一分

罌粟殼

蜜煎慢火炙
七次一錢半

右同為末每服五錢濃煎粟米飲一大盞同藥煎至七分

空心溫服

百歲丸

治一切惡痢雜下赤白及休息等痢

漏蘆子

一箇
大者阿膠

木香

罌粟殼 淨

黃連

各半

乳香

少許
另研

右除乳香外將餘藥剉作小塊炒令焦黑色存半性不令
煙絕研為末入乳香和勻用麩糊和丸如梧桐子大每服
一歲服一九十歲服十九依歲數服之不拘時米飲下
育腸湯 治腸胃虛弱內挾風冷臍腹撮痛下痢虛滑或變膿
血並宜服之

人參 去蘆

白朮

高良薑

肉桂

去皮

赤石脂

煨過

當歸

洗心

附子

炮去
皮臍

肉苳蔻

好裹
煨香

甘草 炙

厚朴

去金鹿皮生
薑汁浸炒

右各等分為齋末每服五錢水二盞入粳米二百粒同煎
至一盞去滓溫服

玉粉散

治血痢解臟腑積熱毒

海蛤

右為細末每服一錢蜜水調服

木香散 治隔年痢不止并血痢

木香

黃連炒各五錢

甘草炙一兩

粟殼去蒂膜薑製炒一兩

右為末入麝香少許每服二錢米飲湯調服

葛根湯 專治酒痢

葛根

枳殼

半夏

生地黄

杏仁去皮尖

茯苓各二錢四分

黃芩二錢

甘草錢半

右分作二碗水二盞黑豆百粒生薑五片白梅一箇煎至

一盞去滓食前溫服

神効散 治休息痢氣痢膿血不止疼痛困弱

當歸

烏梅肉

黃連各等分

右為細末研大蒜作膏和丸如梧桐子大每服三四十九厚朴煎湯下一方加阿膠

木香散 治氣痢泄瀉心腹疴痛

木香

沉香

官桂去麤皮

沒藥

胡椒

當歸切焙

乾薑炮

附子炮裂去皮臍

密陀僧

甘草炙各一分

肉苳蔻一枚

赤石脂

龍骨各半兩

右為細末每服一錢食前用米飲調下

地榆湯 治脾毒氣痢下血如鵝鴨肝腹痛不止

地榆

訶子肉各一兩

當歸切焙

甘草炙各兩

栢葉

茜根

芍藥

赤茯苓

去皮各三分

右細剉每服三錢水一盞煎至六分去滓食前溫服一方無赤茯苓有炒黃連一兩

龍骨散 治氣痢腹內虛鳴日久不瘥

龍骨

黃連去鬚

黃蘗

去蘗皮

乾薑

炮

阿膠炙燥

人參

厚朴

去蘗皮生薑汁炙各二兩

右為細末每服二錢空心粥飲下日再

神驗丸

治冷勞氣痢腹脇疼痛水穀不消

陳麴

吳茱萸

湯浸焙乾炒各一兩

黃連

去鬚炒

蕪荑

炒各三分

右為細末生薑汁和為丸如梧桐子大每服十五丸合

用溫米飲下

木香縮砂散

治氣痢腹脹腹中虛鳴

木香二兩

縮砂仁半兩

枳殼去炒

訶黎勒皮

各三兩

右為細末每服一錢空心用陳米飲調下良久以食壓之

牛乳方 治氣痢日久不瘥諸痢困弱諸藥不効者

右以牛乳汁煎葷撥服之立瘥唐真觀中太宗苦於氣痢詔問殿廷左右有能治其疾者當重賞之有術士張寶菴進此方時賞官三品一方牛乳半升葷撥末二錢七同煎減半空心服

巴石丸 治氣痢

右以白礬飛令雪白謂之巴石以熟猪肝作丸空心米飲

下丸數隨人力氣加減若得水牛肝更妙素食人蒸餅丸之亦可或云白礬中青黑者名巴石一方白礬不以多少炭火於淨地上燒令汁盡變其色如雪名之巴石一兩研

藍青丸 療中焦熱水穀下痢
藍青汁 三升 黃連 八兩 黃蘗 四兩 阿膠 五兩炒燥

白朮 地膚子 烏梅肉 地榆 各三兩

右為末用藍汁和微火上煎取可為丸如青杏大每服二十丸空心用溫白湯化下忌猪肉冷水桃李雀肉

附子五味子散穀痢之候痢無期度食不消化腹痛每遇冷便發有此候者宜服

附子炮 細辛 白朮 各五兩 乾薑 四兩

神麴一升

右為末以飲下之初服一方寸七日再服稍稍加至二二

匕良忌猪肉冷水生菜桃李雀肉等

神妙橡實散 治水穀痢無問老小日夜百餘行

橡實 二兩 乾楮葉 一兩

右為末每服一錢不拘時烏梅煎湯調下

蝟皮丸 治臍疝傷動腸胃虛弱血滲腸間風冷相乘大便下

血瘀黑有片或五痔腫痛久下膿血者

蝟皮一具切 當歸 續斷 黃耆

連翹 槐實炒 乾薑 炮 附子炮裂去

白礬飛各二兩 生乾地黃 五兩

右為細末煉蜜和丸如梧桐子大每服五十九丸空心食前
用米飲下

茜根散 治蠱注下血如雞肝體熱心腹中煩悶

茜根 川升麻 犀角屑 地榆剉

黃芩 黃連炒各一兩

右為散每服四錢水一中盞煎六分去滓不拘時溫服

治腸蠱先下赤後下黃白沫連年不瘥兼治痢下應先白後赤

若先赤後白為腸蠱

右用牛膝一兩切推碎以醇酒一升漬一宿平旦空心服

之再服愈

阿膠丸 治冷熱不調痢下膿血不止腹痛不可忍

阿膠搥碎炒 乾薑炮 木香 黃連炒

當歸炒 黃芩各一兩 赤石脂 龍骨各二兩

厚朴一兩半去蘊皮 生薑汁塗炙

右為細末煉蜜和丸如梧桐子大每服三十丸不拘時以

粥飲下

木香散 治冷熱痢虛損腹痛不能飲食日漸乏力

木香 乾薑炮 甘草炙 黃芩各半

栝葉炙 當歸炒 白朮 乾熟地黃各三分

黃連二分

右為散每服三錢水一中盞煎至五分去滓不拘時溫服

歸連丸 治痢無問冷熱及五色痢入口即定

當歸

黃蘗

黃芩

阿膠炒

熟艾各二兩

黃連四分

右為末以醇醋二升煮膠烊下藥煮令可為丸如豆大每服七八十九日二夜一用米湯下若產婦痢加蒲黃一兩煉蜜和丸

附子散 治冷熱痢腹痛不能飲食

附子炮裂去皮臍

黃連炒

地榆

龍骨各一兩

當歸炒

木香半兩

右為末每服二錢不拘時以粥飲調下

內補丸 治冷熱氣不和腹痛下痢不止及通血氣

黃連一兩去鬚炒

乾薑半兩炮

當歸微炒

阿膠搗碎炒

右為末煉蜜和搗百餘杵丸加梧桐子大每服三十九不拘時以粥飲下日再服一方以醋煮膠令消衆手撚丸又療產婦下痢不止者服之甚驗忌生冷粘膩

加減當歸地榆散 治冷熱不調氣毒惡毒濕熱腸垢毒痢休息膏痢腥穢乾嘔不食肌熱小便澀

當歸兩

地榆

黃連揀淨

芍藥

甘草半兩

炒各

御米殼二兩

蜜炒

右吹咀每服三錢水一盞半煎至七分去滓食前溫服日進二服氣毒痢加黃連當歸一倍

和中散 治冷熱痢腹痛裏急

附子

炮水淬去皮臍為末

黃連

去鬚為粉

右如患冷熱痢取黃連附子各半錢乳香一字以陳米飲調下未止再服以青皮湯調下如患赤痢附子末半錢黃連末一錢乳香一字如患白痢黃連半錢附子末一錢乳香一字米飲調下未止以黑豆七粒煎湯止之

揚子建萬全護命方 今有人患痢其脈微小再再尋之又沉而瀋此之一候若下白痢其勢雖重庶幾可治若是下血切忌發熱通身發熱者死熱見七日死已上所陳雖未足以達痢之淵源亦足以明其粗迹議者謂如子所言自甲子至於癸亥每六十年中未嘗有一年不生痢疾今世人所患痢疾於數年中間忽止有一年其故何也荅曰六十年中未嘗有一年無水土相攻未嘗無上火相鬱未嘗無

水火相犯但五運之政譬如擁衡一年間五行氣數更相承制得其平等則其疾自然不作忽若一氣太過一臟有餘痢疾之生應不旋踵予故備陳其粗以開後學之未悟庶幾診療之間無差悞之過者危人但毒痢傷人不一惟水邪犯心為重世人初患痢時先發寒熱投藥治之其熱不退發熱太甚食則嘔逆下痢不止心熱如火只要入涼處只思喫冷水忽思狂走渾身肌肉疼痛着手不得此候十難治其三四也治疫毒痢方須是子細首尾讀此方論令分明識病根源然後喫藥但毒痢初得時先發寒熱忽頭痛或壯熱忽轉數行便下赤痢忽赤白相雜忽止下白痢忽先下白痢後變成赤痢忽先下赤痢後却變成白痢並

宜喫此方但初下痢時先發寒熱頭痛即是寒邪犯心寒
氣犯心水火相戰故初病時先發寒熱水火相犯血變於
中所以多下赤痢如紫草水如覓菜水無色澤者寒邪犯
心之重也先發寒熱而所下之痢止白色者寒邪犯心之
未動也先下白痢而後有赤痢之變者寒邪犯心其勢漸
加也先下赤痢而後變成白痢者寒邪犯心其勢漸減也
赤白相等者水火相犯其氣相等寒濕之氣相搏也忽有
赤多而白少忽有赤少而白多此寒邪之勢有多少毒痢
之病有重輕以白多為輕赤多為重治之之法先奪其寒
則其所下之藥一也太歲分之則丙子丙午甲子甲午
庚子庚午年丙寅丙申年甲寅甲申年庚寅庚申并辰戌

之年運遇丙甲及庚運所臨其害尤甚及丑未之年宜有
此候又兼無間太歲蓋天地變化其候多端難可窮盡今
此但世人亦不必撞定太歲但看一年中春夏之內多有
寒肅之化陽光少見忽寒熱二氣更相交爭忽於夏月多
寒濕之化寒邪犯心所受之痢先發寒熱忽頭痛忽先轉
數行後有赤痢忽赤白相雜忽止下痢並宜喫此通神散
喫後取壯熱便退若兩三盞後壯熱不退更不喫此方自
別有方論在下

麻黃

去根

官桂

去粗皮

大芎

白朮

各二分

藁本

獨活

桔梗

防風

芍藥

白芷

各半

牡丹皮

去心

甘草

各一分

細辛 八銖 牽牛 四銖

右為細末每服二錢非時熱湯調下和滓熱喫若喫兩三盞後寒熱不退更不請喫自別有方論在下

若喫此藥後寒熱已退赤痢已消減便脩合第二方第三方藥喫取安効

若寒熱已退赤痢未消減更服兩三盞然不可多喫一日只兩盞後赤痢消減忽變成白痢旋次脩合第二方喫候出後度數減少便脩合第三方喫取平安但六甲之年六庚之歲春夏之內時氣多寒人得痢疾此藥通神若是六甲之年丑未之歲濕化偏多人得痢疾先發寒熱即於方內添草薏苡一兩同脩合也又不問太歲但一年間春夏

之內多寒人有痢疾先發寒熱並宜喫此方

治毒痢初得時先發寒熱喫前方寒熱已退赤痢已消減宜進

此還直散若喫前方藥寒熱未退赤痢未消減更不宜進此藥但天地變化其候非常痢疾證候多端此不得不盡

其子細

訶子 五箇用 麩裹 火炮熟 不要生 亦不要焦 去殼不用 只用皮 焙乾 用就熱 咬破 訶子 殺去核 不用 只用皮 焙乾

右搗羅為細末每服二錢七以米湯一盞半同藥煉取一盞空心和平啜若吐出一兩口涎更佳如此喫經數盞大腑漸安出後減少脩合第三方藥喫以牢固大腸若喫前方藥壯熱未退血痢未減不可進此藥

治疫毒痢喫前面兩方藥病勢已減所下之痢止餘些小忽下

清糞或如鴨糞忽如茶湯或如濁油忽只餘些小紅色宜

喫此方以牢固大腸還復真氣 船上硫黃丸

舶上硫黃二兩去砂石 薏苡仁二兩炒熟

右二末相和令勻滴熱水和為丸如梧桐子大每服五十

丸空心以米湯下

治下赤痢身體並無增寒壯熱此名肝心雙滯宜服此方

黃連一兩蜜浸一 木香三銖

右為細末每服二錢七食後濃煎陳米湯調下

建脾丸 療脾胃弱洩下不禁飲食不消腸鳴疴痛

附子炮 川椒炒出汗 桂心 赤石脂

黃連 石斛 人參 茯苓

乾薑炮 大麥蘖 當歸 陳麩各二

右為細末煉蜜和丸如梧桐子大每服十九酒下稍稍加
之日三服忌猪肉冷水生葱醋仍有鍾乳粉三兩研

十寶湯 治冷痢如魚腦者一服見効甚疾

黃耆四兩 熟地黄酒浸 白茯苓 人參

當歸酒浸 白朮 半夏 白芍藥

五味子 官桂各一兩 甘草半兩

右為齋末每服二錢水一盞生薑三片烏梅一箇煎至七

分食前溫服

外灸膏 治一切虛寒下痢亦白或時腹痛腸滑不禁心腹冷

極皆可用

木香

附子炮

蛇床子

吳茱萸

胡椒

川烏各等分

右為細末每藥末三錢用麩二錢用生薑自然汁調作糊

貼臍中上下以衣物蓋定熨斗盛火熨之痢止為度

五神散 治大腸積冷下痢不止裏急後重腹痛

附子

炮裂去皮脂

烏梅

去核

乾薑炮

訶黎勒

煨去核

延胡索

各一兩

右為簾散和白麩裹煨慢火內燒令麩熟為度去麩焙乾

搗羅為細末每服一錢空心食前用米飲調下

倉米湯

治小腹痛冷氣積聚

結成冷痢日夜三四十行

倉粳米

半升用水淘漉乾淨

香豉

三升以水一斗煎取五升澄清

薤白

一握去青細切

羊脂

一片

右先以羊脂煎薤白令黃并米內豉汁中煎取四升平旦

空腹溫服一升如人行十里久更進一升得快痢止若痢

不止更服如前利後進粳米豉粥若復作更服一劑永瘥

猪肝丸

治冷勞氣痢久不瘥

猪猪肝

一片具去筋

以醋一升

煎切作餅

大蘇

煮令熟

厚朴

去麩皮薑汁炒紫各二兩

烏梅肉

桂心

黃連

去鬚

厚朴

去麩皮薑汁炒紫各二兩

乾薑炮

陳皮

湯浸去白

訶黎勒

煨去核

當歸

切焙各一兩

右除猪肝蒜外搗羅為末將猪肝與蒜細研如麩糊入藥

末和勻搗數百下丸如梧桐子大每服三十九空心用熱

麩湯下日午再服

猪脰酒 療冷痢久不瘥方云此是脾氣不足暴冷入脾故舌

上生瘡飲食無味縱喫下還吐小腹雷鳴時時心悶皮乾

粟起膝脛酸疼兩耳 聲四肢沉重日漸瘦劣或成氣塊

及婦人血氣不通逆氣憂煩行常無力四肢不舉丈夫疝

癖兩肋虛脹變為水氣服之皆効驗此法出於傳屍方

右用猪脰一具細切青蒿葉一合相和微炒以無灰酒一

大升火温之乘熱內猪脰和蒿葉共一處再入桂心末一

兩於酒中每日平旦空腹取一小盞服之午時夜間各再

一服甚驗忌熱麪油膩等物

黃耆散 治熱痢下赤黃膿 腹疼心煩

黃耆 剉

龍骨

當歸 各三

生乾地黃 二分

黃連 去鬚微炒一兩 黃蘗

黃芩

犀角屑

地榆 各半兩

右為細末每服二錢不拘時用粥飲調下

犀角散 治熱痢下赤黃膿血腹痛心煩困悶

犀角屑

黃連 去鬚微炒

地榆

黃耆 各一兩

當歸 半兩炒

木香 三分

右為散每服二錢以水一盞煎至六分去滓不拘時温服

黃連丸 一名羚羊角丸

治一切熱痢及休息痢日夜頻併兼

治下血黑如鷄肝色

黃連

去鬚二兩半

羚羊角

兩半

黃蘗

去粗皮一兩半

赤茯苓

去黑皮半兩

右為細末煉蜜和丸如梧桐子大每服二十九丸薑蜜湯下

暑月下痢用之尤驗一方用白茯苓臘茶送下

生地黄湯 治熱痢不止

生地黄 半兩 地榆 三分 甘草 炙一分

右咬咀如麻豆大用水二盞煎至一盞去滓分溫二服空

心日晚再服

鬱金散 治一切熱毒痢下血不止

川鬱金 槐花 炒各半兩 甘草 炙一分

右為細末每服一二錢食前用豆豉湯調下

如聖湯 治下痢赤白甚重者

人參 當歸 洗各三寸 滴乳香 一塊如甘草二寸

大北棗 烏梅 各七 罌粟殼 穰蜜炒 白苳蔻

縮砂仁 大丁香 各二十 生薑 二塊大者濕紙裹煨熟

右為末分三服水一盞半煎七分去滓服不用粟殼亦可

艾葉丸 治赤白痢血多痛不可忍

艾葉 炒 黃連 去鬚 木香 一半生 肉豆蔻 各三分

地榆 一兩 阿膠 炙燥 當歸 切焙各半兩

右為細末煉蜜和丸如梧桐子大每服三十九米飲下

治赤白痢 詞曰

三片生薑 三箇棗 一箇烏梅 三寸草

更加罌粟與陳皮 赤白瀉痢一齊掃

秘傳斗門散 治八種毒痢臟腑撮痛膿血赤白或下瘀血或

成片子或有五色相雜日夜頻併兼治禁口惡痢裏急

後重久瀉不止全不進食他藥不能治者立見神效

黑豆

炒去皮

乾薑

炮四兩

罌粟殼

蜜炒半斤

地榆

炒

甘草

炙各六兩

白芍藥

三兩

右吹咀每服三錢水一盞煎至七分溫服

金鳳散 治男子婦人赤白痢疾

鳳眼草

粟殼

去頂蒂各三錢

紅棗

三箇燒存性

母黑豆

四十九粒燒令烟盡

右為籠末加蜜一匙水二盞煎至一盞去滓空心溫服服

此藥後仰卧睡忌冷水

安和飲子 治赤白痢不問老幼並治之

罌粟殼

木香

各二錢半

甘草

炙

地榆

各一

右為細末每服二錢米飲湯調下

變通丸 治赤白痢臍腹痛日夜無度膿血相雜裏急後重及

治腸風下血

吳茱萸

黃連

等分一方去鬚半寸截同炒熟分為兩處

石各揀淨共用酒浸透却擇出各自焙乾各自碾為細末

各自粟米飯丸如梧桐子大每服三十九丸如赤白痢相雜

各十五丸用甘草乾薑湯下紅痢甘草湯下黃連丸三十

丸白痢乾薑湯下茱萸丸三十九丸一方為末米飲調下加

當歸此方浙西河山絕老以傳蘇韜光云數十年救人無

數人多求方不敢輕授恐以其藥品之微而忽之韜光每

以救人甚効洪氏方亦有脩製湯使少異

薤白散 治赤白痢

右用薤白一握切搗如泥橘皮一兩好乳一升先以少乳煎薤熟後下餘乳及橘皮末勻攪煎十餘沸空腹分兩服之如啜茶不止更作之

治下痢赤白

右用老酸石榴皮微炙為末以粟米飯為丸如梧桐子大空心服滑則加附子赤石脂一倍

神效散 治赤白痢新舊疾

右用鹽霜梅三箇用黃泥裹於慢火內煨乾研為細末用米湯調下

御愛丸

治榮衛氣虛風邪襲於臟腑之間值腸胃虛弱糟粕不聚便利赤白或作膿血臍腹疼痛心胃痞滿裏急後重

煩滿渴逆腸助

悶腹內虛鳴四肢倦乏不進飲食宜服

御米殼炒四兩

乾蒸餅切如散子大以蜜炒焦色

右為細末煉蜜為

丸如鷄子大每服一粒用水一盞煎至

化為度不拘時熱

鯽魚方 治赤白痢及

口野鷄病

右用鯽魚作鱠食之

止暴下痢和蒜食之有少熱和薑醬

食之有少冷温二服

玉抱肚 治一切虛寒下

痢赤白或時腹痛腸滑不禁心腹冷

極者可用

針砂炒四兩

白礬

石半兩

官桂 一兩

右為末和勻作一包

冷水調攤皮紙上貼臍上下以帛繫

之如覺大熱即以衣

視之藥乾再以水濕令潤其熱如初

可用三四次

軟紅丸 消虛積治冷熱

調下痢赤白膿血相雜

乳香別研一皂角子大 硃砂別研

蠟二枚去毒

續隨子四十九枚去皮

粉霜別研半兩 膩粉別研

黃丹別研半兩

硃砂一錢別研半為衣

巴豆二十箇去皮不去油研成膏

黃蠟半兩

右末共和勻用磁器內

鎔蠟成汁入麻油半茶脚許後入

藥和丸如菉豆大每服

二九乳香湯下小兒丸如黃米大

每服一九乳香湯下食

服之立瘥

千金散

治赤白痢日夜無度

服之立瘥

人參五十分

紫蘇連梗

糯米各三

罌粟殼二十個蜜浸炙乾

陳皮

良薑

燈心

甘草

黑豆

菉豆各五

右二豆搥破水一大碗同諸藥煎一盞半入熟蜜少許去滓通口服不拘時候禁口如腸潰者只兩服傳於臨汀學正賴簡敬賴得於趙守兼善兼得之余丞相巨言

治赤白痢

右用訶黎勒三枚上好者兩枚炮取皮一枚生取皮同末之以沸漿水一兩合服之淡水亦得若水痢加甘草末一錢七若微有膿血加二錢七若血多加三錢七昔劉禹錫傳信方云予曾苦赤白痢下諸藥服遍久不瘥轉為白膿令狐將軍傳此方服之効

荳蔻丸 治白滯痢腹臑撮痛

肉荳蔻煨熟 草荳蔻煨熟 枇杷葉去毛 縮砂仁

母丁香各一兩 木香 沉香各半兩 地榆二兩

墨燒紅為末半兩

右為細末燒粟米飯為丸如櫻桃大每服二丸食前用米

飲化下

萬補丸 治脾胃久虛大腸積冷下痢白膿或腸滑不固久服

諸藥不効服之神驗并產前產後皆可服立効

人參 當歸切焙 草荳蔻炮去皮 嫩茄茸酥炙

乳香各一兩半 白朮 陽起石火研 肉桂去皮

縮砂仁 赤石脂 鍾乳粉 肉荳蔻煨熟

沉香 白薑炮 葷撥牛乳半盞慢火煎乾焙

茴香炒 丁香 厚朴去皮 白茯苓各一兩

地榆 大麥蘖炒 神麴炒各半兩 大附子七錢炮去皮臑

肉蓯蓉二兩淨洗用酒浸一宿切焙 罌粟殼和米者二枚炙

右為細末研勻用木瓜十五箇去穢蒸爛同藥末搗和得

所丸如梧桐子大曬乾每服三十九丸食前用米飲下頻併

者加至五七十九

伏龍肝丸 一名艾葉丸 治赤痢腹痛四肢羸困

伏龍肝 艾葉炒 木香 地榆

阿膠炒燥 當歸切焙 黃連炒去鬚 赤芍藥

黃芩去黑心各一兩

右為細末煉蜜為丸如梧桐子大每服三十九不拘時用
溫粥飲下

六神湯 治赤痢腹痛或下純血

黃連去鬚炒

車前子各二兩 地榆

山梔子仁

甘草炙各半兩

陳皮湯浸去白焙一兩

右咬咀每服五錢以漿水一盞半煎八分去滓空心服

黃蘗丸 治赤痢下黃水或黃赤膿四肢煩皮膚冷者

黃蘗去蘗皮

黃連去鬚炒各一兩 熟艾半兩

黃芩去黑心一兩二分

右為細末用白蜜三兩煉熟入蠟一兩鎔化入前藥末和
搗丸如梧桐子大每服三十九空心用米飲下日晚再服
一方作湯煎服

治赤白下痢久不止

右用黃連為末用鷄子清為丸如梧桐子大每服三十九
食前用米飲送下即差

蒲黃散 治血痢

蒲黃三合

乾地黄

桑耳

甘草

芒硝

茯苓

人參

栝葉

阿膠

艾葉

生薑各二兩

禹餘糧

黃連各一兩

赤石脂五分

右咬咀以水一斗煮取四升分作五服

龍骨丸 治下血痢腹痛

龍骨

龍膽草

羚羊角

當歸

附子

乾薑

黃連各三銖

赤石脂

礬石各一兩半

犀角

甘草

熟艾各十銖

右為末煉蜜和丸如小豆大先食前米飲下十五丸
苗根散 治血痢心神煩熱腹中痛不納飲食

苗根

地榆

生乾地黄

當歸微炒

犀角屑

黃芩各一兩

梔子仁半兩

黃連二兩去鬚微炒

右咬咀每服四錢以水一中盞入豉五十粒薤白七寸煎至六分去滓不拘時溫服

六妙湯

治下血或痢不止

烏梅

十箇搥碎

甘草二寸生用

丁香五十箇

桂心二寸去麋皮

罌粟殼

十箇去穰搥碎

縮砂仁

四錢半搥碎

右同拌勻作一服以水一盞半於銀石器內煎至七分
銅鐵器去滓溫服滓用水二盞再煎至小半盞服

治男子病膿血惡痢痛不可忍積毒熱

昔有人忽見水浸甜瓜心酷喜之連皮食數枚膿血皆已
人言下痢無正形是何言也人止知痢是虛冷溫之燥之
洗之截之此外無術矣豈知風暑火濕燥寒六者皆為痢
此水甜瓜所以効也

椿皮丸

治下痢清血腹中刺痛

右用椿根白皮不以多少曬乾為細末醋煮麩糊為丸如
梧桐子大每服三四十九空心用米湯送下

栝連散

治男子婦人小兒大腹下黑血茶脚色或膿血如靛

色所謂蟲痢者治之殊効一方又能殺五臟蟲

右用側柏葉焙乾為末黃連亦為末二味同煎為汁服之
或用熱水調二錢服亦可

聚珍丸 治血痢酒痢尤妙

川百藥煎 半兩

薄荷煎 兩貼 陳槐花 半兩

感應丸 一貼 麝香 少許

右件為末拌勻煉蜜為丸如梧桐子大每服二十九食前
服男子用龍牙草煎湯下女人用生地黃煎湯下

治腸風血痢

右用鯽魚釀白礬燒灰為細末每服二錢食前米湯調下

赤石脂湯 治膿血痢裏急後重日夜頻併

赤石脂

白芷

天雄炮裂去皮

當歸切焙

龍骨各一兩半

肉苳菘去殼

黃連去鬚

厚朴去麁皮

地榆

白朮

官桂去粗皮

訶梨勒煨取皮

木香各一兩

吳茱萸湯洗焙炒

黃芩去黑心各半兩

右劉如麻豆大每服五錢水一盞半生薑五片煎至八分

去滓食前溫服

荳蔻八味散

治腸澼痢候或稀或稠便但似膿每便極滑痢

無常期

肉苳菘麩裏煨

丁香各三兩

細辛

附子炮

乾薑各四兩

黃耆

人參各五兩

赤石脂六兩

右搗篩為散以飲下之初服一方寸日再稍稍加至二三

七忌生葱猪肉冷水

解毒金華散 治下痢膿血熱毒

黃連

黃蘗各一兩

黃芩

赤茯苓

赤芍藥

白木各半兩

右吹咀每服四錢水一盞煎七分去滓溫服無時如腹痛

加梔子二枚同煎

當歸四聖散 治一切下痢膿血頻併臍腹絞痛不可忍

當歸切焙

芍藥各二兩

御米殼炒四兩 甘草炒一兩

茯苓半兩

黃耆一兩二錢如無地榆同用

右吹咀每服三錢水一盞半煎至六分去滓食前溫服

借氣散 一名神聖香薑散 治膿血痢久患脾泄瀉

黃連去鬚

生薑並細剉各一兩

右二味同入銀石器內炒焦赤色去生薑取黃連為細末每服二錢七食前陳米飲調下一方用臘茶清下甚者不

過二服瘥

魚鮓湯 治痢下五色膿血或如爛魚腸並無大便腸中攪痛

不可忍呻吟叫呼聲聞于外

粉霜研

輕粉

硃砂研

硃砂去砂研

白丁香各一錢 乳香半錢

巴豆二十粒去殼不去油

右為末蒸棗肉為丸嬰兒三九如粟米大二三歲如麻粒大四五歲每服三四丸並旋丸煎鮓湯吞下仍間服調胃藥此證緣久積而成故小兒多有之

欬腸丸 治下痢膿血

木香一錢 地榆二錢 酸石榴皮二錢

罌粟殼一兩半去

右件為細末煉蜜為丸如彈子大每服一粒陳米泔一盞煎六分食前服

麴藥丸 治下痢數年不止消穀下氣補虛羸

官桂去粗皮 附子炮去 黃連去鬚 當歸

陳麴炒黃 乾薑炮 麥蘖炒各一兩 吳茱萸湯洗炒

烏梅肉 蜀椒去目并合口者炒出汗各一兩半

右為細末煉蜜和丸如梧桐子大每服二十九加至四十九食前用米飲送下一方用粟米糊為丸

御米湯 治久患痢疾或赤或白臍腹疔痛裏急後重發歇無

時日夜無度及下血不已全不飲食

罌粟殼蜜炙 白茯苓去皮 甘草炙各五兩 厚朴去皮薑

人參去蘆 乾薑炒各二兩半

右咬咀每服三錢水一盞半生薑三片大淮棗三枚烏梅一箇煎至一盞去滓食前通口服如年老七八十歲每服二大錢小兒每服一錢半依前法煎更量兒歲加減腹痛加木香赤多加黑豆十五粒

雲母散 治久痢經年不瘥

雲母粉 白茯苓去黑皮 附子炮裂去皮

赤石脂 龍骨各半

右為細末每服二錢食前用溫酒或米飲調下亦治血痢

金星鱧散 治久痢

金星鱧 醋炙 白礬

鉛丹 各半 兩

右為細末每服二錢食前用米飲調下

蚺蛇膽方 治濕痢久不斷體瘦多昏坐則閉目食不下

右用蚺蛇膽大如豆二枚煮通草汁研膽以意多少飲之

奎五心并下部

蕪荑丸 治久痢不瘥有蟲并下部脫肛

蕪荑 炒

黃連 去鬚各

二兩 蚺蛇膽 半兩

右為細末煉蜜和丸如梧桐子大每服二十九食前用杏

仁湯下日再服

香栗散 治久新痢疾

罌粟殼 蜜炒 木香

地榆

陳皮

乾薑 炮

甘草 炙已上 各半兩

右件為粗末每服三錢水一盞半棗一枚煎至一盞去滓

食前溫服

五奇湯 治久患痢疾不問赤白並皆治之

訶子

二枚一枚生用一枚用麩 裹煨香熟去核麩不用

肉苳蔻

二枚一枚生用一枚麩 裹煨香熟去麩不用

草薹蔻

二枚一枚生用一枚 裹煨去麩不用

木香

一塊如 甘草 火炮令赤色

右件為細末每服二錢不拘時用米飲調下

烏梅湯 治久痢不瘥成腸垢

右用烏梅二十箇搥碎用水一升煎四合去滓空心服未

愈日晚再煎服

麥蘖丸 治休息痢不能飲食及羸瘦

大麥蘖炒

附子炮裂去皮臍陳麴炒

官桂去皮

烏梅肉炒

白茯苓去皮人參各一兩

右為細末煉蜜和丸如梧桐子大每服三十九黃棗肉飲下不拘時服一方七月七日麴

治休息痢羸瘦

黃連

半兩去鬚為末定粉研半兩

棗二十枚去核

右春棗如泥鋪於紙上安二味藥裹之燒令通赤取出候冷細研為末每服使好精羊肉半斤切作片子用散藥三錢摻藥在肉上使濕紙裹燒熟放冷食之不過三兩服

縛虎丸

治休息痢經一二年不瘥羸瘦衰弱兼治腰痛脾

等疾

砒成塊好者

黃蠟各半兩

右將黃蠟鎔開以柳條七箇逐箇攪頭焦即換俟用足取起旋丸如梧桐子大每服一九治痢冷水下脾疼亦然治腰疼冷酒下食前服小兒丸如粟米大服一九湯使同

治休息痢羸瘦宜服

杏仁

一兩湯浸去皮尖及雙仁麩炒黃色

獾猪肝膜一具去筋切作片

右件將肝用水洗去血切作片於淨鐺內一重肝一重杏仁入盡用童子小便二升入鐺中以物蓋慢火煎令小便盡即熟放冷任意食之

又方 一各羊肝散

證治同前

縮砂

去皮一兩

肉苳蔻

半兩去殼

右為細末用羊肝半具細切拌藥以濕紙三五重裹上更以麩裹用慢火燒令熟去麩并紙入軟飯搗和丸如梧桐子大每服三十九食前以粥飲下

栝蒌根湯

治下痢冷熱相衝氣不和順本因下虛津液耗少

口乾咽燥常思飲水毒氣更增煩燥轉甚宜服此藥救之

栝蒌根

白茯苓

甘草

各半兩

麥門冬

去心一分

右咬咀每服五錢水一盞半棗二枚擘破煎至七分去滓

不拘時服

陳米湯

治吐痢後大渴飲水不止

右用陳倉米二合水淘淨用水二盞煎至一盞去滓空心

溫服晚食前再煎服

治痢後渴

右用糯米二合以水一盞半同煮研絞取汁空心頓服之

澤漆湯

治痢後腫滿氣急喘嗽小便如血

澤漆葉

微炒五兩

桑根白皮

郁李仁

湯浸去皮尖各三兩

陳皮

白木

杏仁

湯浸去皮尖各一兩

人參

半兩

右咬咀每服五錢水二盞生薑三片煎取八分去滓溫服

候半時辰再服取下黃水數升或小便利為度

茯苓湯

治痢後遍身浮腫

赤茯苓皮去黑皮 白木微炒各兩 防己 桑根白皮炙黃

黃芩 射干 澤瀉各三兩 澤漆葉微炒一兩

右咬咀每服五錢七先以水三盞煮大豆一合取二盞去

滓內藥煎取一盞分四二服未瘥頻服兩料

消痞丸 治痢後肚腹滿悶

陳皮去白 青皮去白各一兩 木香 二錢 蒼木米泔浸焙

右為末醋糊為丸如梧桐子大每服二十九空心温酒送

下小兒服三五七丸米湯下

猪肝丸 治痢後脾胃虛弱不思飲食四肢乏力

猪肝令大藥以醋煮 烏梅微炒 乾薑炮

草薹去皮當歸微炒 肉苁蓉去殼 厚朴去粗皮生薑汁塗炙

訶黎勒煨用皮 葶撥各一兩 桂心半兩 甘草微赤一分炙

右為末用猪肝和搗二百杵丸如梧桐子大每服二十

丸不拘時以粥飲下

治禁口痢甚妙一名石蓮散

右用石蓮肉不以多少剝去殼皮將肉并心碾為細末每

服二錢陳米飲調下俾覺思食此疾蓋是毒氣上衝華蓋

心氣不通所以不食以此藥後心氣通利當頓下而愈未

愈自服痢藥一方仍以日照東方壁土炒真橘皮為末薑

棗略煎佐之澹寮云痢疾不納飲食者俗謂之禁口今人

多以四柱散理中湯參苓散加肉苁蓉木香或燕震靈丹

等藥調之恐非其治當以脉證辨之如脾胃脉不弱問而

知其頭疼心煩手足溫熱未嘗多服涼藥者此乃毒氣上衝心肺所以嘔而不食宜用敗毒散每服四錢重入陳倉米一百粒薑三片棗一枚水一盞半同煎八分溫服若其脈微弱或心腹虛弱手足厥冷初病則不嘔因服罌粟殼烏梅澁劑或服涼劑太過以致聞食先嘔此乃脾胃虛弱一方用乾山藥剉如小豆大一半銀銚內炒一半生用同為細末飯飲調下

陳慶長知縣云頃守官南康其子年十許歲患禁口痢水漿不入數日惟能進藥同官有方書載一治法試用之一服而痢稍踈三服逐索粥飲頓食半盞許自是痢止而安此乃用山藥一味

倉廩湯

治禁口痢有熱乃毒氣衝心食即吐

人參

茯苓

甘草炙

前胡

川芎

羌活

獨活

桔梗

紫胡

枳殼

陳倉米

各等分

右咬咀每服五錢水一盞半生薑三片煎至七分去滓不拘時熱服

參苓白朮散

治胃虛口禁

人參

茯苓

白朮

白扁豆

薑汁浸去皮

山藥

蓮肉

砂仁

薏苡仁

炒

桔梗

甘草

炙各二兩

右為細末石菖蒲煎湯下宜食生韭菜

通神丸 治膿血雜痢後重疼痛日久不瘥

沒藥 研

五靈脂

去砂石研乳香

研各一錢

巴豆霜

研半錢

右同研勻滴水為丸如黃米大每服七丸食前煎生木瓜湯下小兒服三丸隨歲加減

芍藥黃芩湯 治泄痢腹痛或後重身熱久不愈脈洪疾者及

下痢膿血稠粘

芍藥

黃芩 各一

甘草 干兩

右以咀每服五錢水一盞半煎至一盞去滓溫服無時如

痛加桂少許煎服

二奇散 治痢後裏急後重

枳殼

黃耆

防風

右等分為末每服二錢蜜湯調下米飲亦得

治裏急後重

好蛤粉

川山甲 炒

右等分為末每服一錢空心用好酒調服

大黃湯 治泄痢久不愈膿血相雜稠粘裏急後重日夜無度

久不愈者

右用大黃一兩剉細以好酒二大盞浸半日許煎至一盞

半去大黃不用將酒分二服頓服之未利再服以利為度

後服芍藥湯和之痢止再服黃芩芍藥湯以徹其毒也

白朮黃耆湯 服前藥痢疾雖除更宜服此和之

白朮 一兩

黃耆 七錢

甘草 三錢

右咬咀分作三服用水煎服一方無黃著用黃芩半兩

烏梅湯 療熱下膿方

烏梅四十枚 梔子四十枚 黃連 阿膠炙

黃蘗各二兩

右咬咀每服一兩水二盞煎至一盞溫服

治丈夫婦人小兒久痢成疳百方不瘥

黃連去鬚 麝香研 丁香各一分

右為細末每以一錢七用竹筒吹入下部小兒量度減之
不過三四上瘥一方食前以粥飲調下二錢

療五疳蒸下痢

青黛 丁香 黃連各等分

右為細末用泔靛和為丸如梧桐子大口中有瘡含之若

下部有瘡以綿裹內下部日服六十九食前米飲下

治疳蠱蟲蝕下唇裏生瘡多睡面黥時腫下部癢痛不止

鷄子一枚取黃 好漆一合

右相和令勻空腹仰頭頓服令盡當吐出蟲即愈

導氣湯 治下痢膿血日夜無度裏急後重

木香 檳榔 黃連各六分 大黃

黃芩錢半 枳殼錢一 芍藥六錢 當歸三錢

右咬咀作二服用水二盞煎一盞去滓食前溫服

白朮聖散子 治一切瀉痢久不瘥并婦人產後痢

當歸 肉苁蓉 砂仁 石櫛皮

訶子肉

乾薑丸

陳皮

甘草

白朮

芍藥

右各等分咬咀每服五錢水三盞入乳香一豆許煎至一盞去滓食前溫服

立効丸 治痢

木香

當歸酒浸

橡子子酪一

青蒿子

燒存性

烏梅焙乾

黃連酒炒

五倍子酪三

枳殼去穢 蘇合二兩半

右為細末用神麴糊為丸如梧桐子大每服一百丸空心用米湯送下日二三服先酒服丁香辟積丸次服立効丸

木香黃連湯

治下痢膿血裏急後重神効

木香

黃連

川木通

川黃蘗

枳殼

麩炒

陳皮銹半

右咬咀分作二貼用水二盞煎至一盞去滓食前溫服

玄青丸

治下痢勢惡窘痛膿血頻併或久不愈宜下之

黃連

黃蘗

大黃

甘遂

大戟

芫花

醋炒各五錢

輕粉二錢

青黛一兩

牽牛

取頭末二兩

右為細末滴水為丸如豆大初服十九每加十九空心午前三服以利為度



Handwritten text on the right edge of the page, possibly a page number or a reference mark.

聖

百六十一卷之三

三十一